

萬有文庫

第一集一千種

王雲五主編

宋十六名家詞

(三)

毛晉編

商務印書館發行

宋十六名家詞

(三)

毛晉編

國學基本叢書

小山詞

目錄

臨江仙 八調
蝶戀花 十五調

鷓鴣天 十九調
生查子 十三調

南鄉子 七調
清平樂 十八調

玉樓春 廿一調
減字木蘭花 三調

洞仙歌 一調
菩薩蠻 九調

阮郎歸 五調
浣溪沙 二十調

六么令 三調
更漏子 六調

御街行 二調
浪淘沙 四調

訴衷情 八調
碧牡丹 一調

望仙樓 一調
行香子 一調

點絳脣 五調
少年遊 五調

虞美人 九調
採桑子 二十調

踏莎行 四調
留春令 三調

清商怨 一調
長相思 一調

醉落魄 四調
西江月 二調

武陵春 三調
解佩令 一調

泛清波摘遍 一調
歸田樂 一調

河滿子 二調
于飛樂 一調

愁倚欄令 三調
破陣子 一調

好女兒 二調
兩同心 一調

滿庭芳 一調
風入松 二調

秋蕊香 二調
思遠人 一調

鳳孤飛 一調
慶春時 二調

喜團圓 一調
憶悶令 一調

梁州令 一調
燕歸來 一調

小山詞目錄 終

小山詞

宋 晏幾道

臨江仙

鬪草堦前初見穿針樓上曾逢羅裙香露玉釵
風靚粧眉沁綠羞豔粉生紅 流水便隨春遠
行雲終與誰同酒醒長恨錦屏空相尋夢裏路
飛雨落花中

又

身外閒愁空滿眼中歡事常稀明年應賦送君
詩細從今夜數相會幾多時 淺酒欲邀誰勸
深情唯有君知東溪春近好同歸柳垂江上影
梅謝雪中枝

又

淡水三年歡意危絃幾夜離情曉霜紅葉舞歸
程客情今古道秋夢短長亭 綠酒尊前清淚
陽關疊裏離聲少陵詩思舊才名雲鴻相約處

煙霧九重城

又

淺淺餘寒春半雪銷蕙草初長煙迷柳岸舊池
塘風吹梅蕊閉雨細杏花香 月墮枝頭懼意
從前虛夢高唐覺來何處放息量如今不是夢
真箇到伊行

又

長愛碧闌干影芙蓉秋水開時臉紅凝露學嬌
啼霞觴黑冷豔雲髻亂纖枝 煙雨依前時候
霜叢如舊芳菲與誰同醉采香歸去年花下客
今似蝶分飛

又

旖旎仙花解語輕盈春柳能眠玉樓深處綺窗
前夢回芳草夜歌罷落梅天 沉水濃熏繡被
流霞淺酌金船綠嬌紅小正堪憐莫如雲易散
須似月頻圓

又

夢後樓臺高鎖酒醒簾幕低垂去年春恨却來時落花人獨立微雨燕雙飛 記得小蘋初見兩重心字羅衣琵琶絃上說相思當時明月在曾照彩雲端

又

東野亡來無麗句于君去後少交親追思往事好沾巾白頭王建在猶見詠詩人 學道深山空自老畱名千載不干身酒筵歌席莫辭煩爭如南陌上占取一年春

蝶戀花

卷絮風頭寒欲盡墜粉飄紅日日香成陣新酒又添殘酒困今春不減前春恨 蝶去鷺飛無處問隔水高樓望斷雙魚信惱亂層波瀆一寸斜陽只與黃昏近

又

初撚霜絃生帳望隔葉鷺聲似學秦娥唱午睡

醒來慵一餉雙紋翠簾鋪寒浪 雨罷蘋風吹碧漲脉脉荷花淚臉紅相向斜貼綠雲新月上彎環正是愁眉樣

又

庭院碧苔紅葉徧金菊開時已近登高宴日日露荷凋綠扇粉塘煙水澄如練 試倚涼風醒酒面雁字來時恰向層樓見幾點護霜雲影轉誰家蘆管吹秋怨

又

喜鵲橋成催鳳駕天為歡遲乞與初涼夜乞巧雙蛾如意画玉鈎斜傍西南掛 分鈿擘釵涼葉下香袖凭肩誰記當時話路隔銀河猶可借世間離恨何年罷

又

碧草池塘春又晚小葉風嬌尚學娥粧淺雙燕

來時還念遠珠簾綉戶楊花滿 綠柱頰移絃
易斷細看秦箏正似人情短一曲啼鳥心緒亂
紅顏暗與流年換

又

碾玉釵頭雙鳳小倒暈工夫画得宮眉巧嫩颯
□□羣勝□鴛鴦繡字春衫好 三月露桃春
意早細看花枝人面爭多少水調聲長歌未了
掌中盃盡東池曉

又

醉別西樓醒不記春夢秋雲聚散真容易斜月
半窗還少睡画屏閒展吳山翠 衣上酒痕詩
裏字點點行行總是淒涼意紅燭自憐無好計
夜寒空替人垂淚

又

欲減羅衣寒未去不卷珠簾人在深深處殘杏
枝頭花幾許啼紅正恨清明雨 盡日沉香煙

一縷宿酒醒遲惱破春情緒遠信還因歸燕誤
小屏風上西江路

又

千葉早梅誇百媚笑面凌寒內樣粧先試月臉
水肌香細膩風流新稱東君意 一稔年光春
有味江北江南更有誰相比橫玉聲中吹滿地
好枝長恨無人寄

又

金剪刀頭芳意動綠蓋開時不怕朝寒重晴雪
半消花鬢鬢曉妝呵盡香酥凍 十二樓中雙
翠鳳緲緲歌聲記得江南弄醉舞春風誰可共
秦雲已有鴛屏夢

又

笑豔秋蓮生綠浦紅臉青腰舊識凌波女照影
弄妝嬌欲語西風豈是繁華主 可恨良辰天
不與纔過斜陽又值黃昏雨朝落暮開空自許

竟無人解知心苦

又

碧落秋風吹玉樹翠節紅旌晚過銀河路休笑
星機停弄杼鳳帷已在雲深處樓上金鍼穿
繡縷誰管天邊隔歲分飛苦試等夜闌尋別緒
淚痕千點羅衣露

又

碧玉高樓臨水住紅杏開時花底曾相遇一曲
陽春春已暮曉鶯聲斷朝雲去遠水來從樓
下路過盡流波未得魚中素月細風尖垂柳渡

夢魂長在分襟處

又

夢入江南煙水路行盡江南不與離人遇睡裏
銷魂無說處覺來惆悵銷魂誤欲盡此情書
尺素浮雁沉魚終了無憑據却倚鯉絃無別緒
斷腸移破秦箏柱

又

黃菊開時傷聚散曾記花前共說深深願重見
金英人未見相思一夜天涯遠羅袖同心閒
結偏帶易成雙人恨成雙晚欲寫彩箋書別怨
淚痕早已先書滿

鷓鴣天

彩袖慙慙捧玉鍾當年拚却醉顏紅舞低楊葉
樓心月歌盡桃花扇影風從別後憶相逢幾
回魂夢與君同今宵剗把銀缸照猶恐相逢是
夢中

又

一醉醒來春又殘野棠梨雨淚闌干玉笙聲裏
鬢空怨羅幙香中燕未還終易散且長閒莫
教離恨損未顏誰堪共展鴛鴦錦同過西樓此
夜寒

又

梅蕊新妝桂葉眉小蓮風韵出瑤池雲隨綠水
歌聲轉雪繞紅綃舞袖垂 傷別易恨歡遲惜
無紅錦爲裁詩行人莫便銷魂去漢渚星橋尚
多歡少奈何天情知此會無長計只尺涼蟾亦
未圓

有期

又

守得蓮開結伴遊約開萍葉上蘭舟來時浦口
雲隨棹採罷江邊月滿樓 花不語水空流年
來歡事少人同憑誰問取歸雲信今在巫山第
幾峯

奈秋

又

關鴨池南夜不歸酒闌紈扇有新濶雲隨碧玉
歌聲轉雪繞紅綃舞袖回 今感舊欲沾衣可
憐人似水東西回頭滿眼淒涼事秋月春風豈
一枝

得知

又

當日佳期鵲誤傳至今猶作斷腸仙橋成漢渚
醉拍春衫僭舊香天將離恨惱疎狂年年陌上
生秋草日日樓中到夕陽 雲渺渺水茫茫征

又

又

又

人歸路許多長相思本是無憑語莫向花箋費

可期

淚行

又

小令尊前見玉簫銀燈一曲太妖嬈歌中醉倒

陌上濛濛殘絮飛杜鵑花裏杜鵑啼年年底事

誰能恨唱罷歸來酒未消春悄悄夜迢迢碧

不歸去怨月愁煙長為誰梅雨細曉風微倚

雲天笑楚宮腰夢魂慣得無拘檢又踏楊花過

未歸

謝橋

又

楚女腰肢越女顚粉圓雙蓋髻中開朱絃曲怨

曉日迎長歲歲同太平簫鼓間歌鍾雲高未有

愁春盡淥酒盃寒記夜來新擲果舊分釵冶

前村雪梅小初開昨夜風羅幙翠錦筵紅釵

遊音信隔章臺花間錦字空頻寄月底金鞍竟

月空

未回

又

十里樓臺倚翠微百花深處杜鵑啼慙勤自與

小玉樓中月上時夜來唯許月華知重簾有意

行人語不似流鶯取次飛驚夢覺弄晴時聲

藏私語雙燭無端惱暗期傷別易恨歡遲歸

聲只道不如歸天涯豈是無歸意爭奈歸期未

畫眉

又

手撚香箋意小蓮欲將遺恨倩誰傳
婦來獨臥 朝天路十二重城五碧雲
歌漸咽酒初醺儘 將紅淚溼湘帶
鞞江西畔從今日明月清風憶使君

綠橘梢頭幾點春似畱香薤送行人
明朝紫鳳

舊絃

又

九日悲秋不到心 鳳城歌管有新音
風凋碧柳 愁眉淡露染黃花
笑靨深 初見雁已聞砧綺羅叢裏
勝登臨須交月戶纖纖玉細捧霞鵬
灩

灩金

又

碧藕花開水殿涼 萬年枝外轉紅陽
昇平歌管 隨天仗祥瑞封章
滿御床 金掌露玉爐香歲華方
共聖恩長皇洲又奏圍屏靜
十樣宮眉捧

壽鵬

又

生查子

金鞍美少年去躍青驄馬
牽繫玉樓人繡被春寒夜
消息未歸來寒食梨花謝
無處說相思 背面鞦韆下

又

輕勻兩臉花淡掃雙眉柳
會寫彩箋時學弄朱絃後
今春玉釧寬昨夜羅裙皺
無計奈情何 且醉金盃酒

又

關山魂夢長魚雁音塵少
兩鬢可憐青只爲相思老
歸傍碧紗窗說與人人道
真箇別離難 不似相逢好

又

墜雨已辭雲流水難歸浦遺恨幾時休心抵秋
蓮苦 忍淚不能歌試托哀絃語絃語願相逢
知有相逢否

又

一分殘酒霞兩點愁蛾暈羅幃夜猶寒玉枕春
先困 心情剪綵慵時節燒燈近見少別離多
還有人堪恨

又

輕輕製舞衣小小裁歌扇三月柳濃時又向津
亭見 垂淚送行人溼破紅粧面玉指袖中彈
一曲清商怨

又

紅塵陌上遊碧柳堤邊住纔趁彩雲來又逐飛
花去 深深美酒家曲曲幽香路風月有情時
總是相逢處

又

長恨涉江遲移近溪頭住閒蕩木蘭舟臥入雙
鴛浦 無端輕薄雲暗作廉纖雨翠袖不勝寒
欲向荷花語

又

遠山眉黛長細柳腰肢裹妝罷立春風一笑千
金少 歸去鳳城時說與青樓道偏看潁川花
不似師師好

又

落梅亭榭香芳草池塘綠春恨最關情月過闌
干曲 幾時花裏聞看得花枝足醉後莫思家
借取師師宿

又

狂花頃刻香晚蝶纏綿意天與短因緣聚散常
容易 傳唱入離聲惱亂雙蛾翠游子不堪聞
正是襄陽事

又

官身幾日閒世事何時足君貌不長紅我鬢無

重綠 榴花滿艸香金縷多情曲且盡眼中歡

莫嘆時光促

又

春從何處歸試向溪邊問岸柳弄嬌黃隴麥回

青潤 多情美少年屈指芳菲近誰寄嶺頭梅

來報江南信

南鄉子

淥水帶青潮水上朱闌小渡橋橋上女兒雙笑

靨妖嬈倚著闌干弄柳條 月夜落花朝減字

偷聲按玉簫柳外行人回首處迢迢若此銀河

路更遙

又

小燕愛春風日日宮花花樹中恰向柳綿撩亂

處相逢笑靨傍邊心字濃 歸路草茸茸家在

秦樓夏近東醒去醉來無限事誰同說著西池

滿面紅

又

花落未須悲紅蕙明年又滿枝唯有花間人別

後無期水澗山長雁字遲 今日最相思記得

攀條話別離笑說春來春去事多時一點愁心

入翠眉

又

何處別時難玉指偷將粉淚彈記得來時樓上

燭初殘待得清霜滿畫欄 不慣獨眠寒自解

羅衣襯枕檀百媚也應愁不睡更闌惱亂心情

半被閒

又

畫鴨懶熏香繡茵猶展舊鴛鴦不似同衾愁易

曉空床細別銀燈怨漏長 幾夜月波涼夢魂

隨月到蘭房殘睡覺來人又遠難忘更是無情

也斷腸

又

眼約也應虛昨夜歸來鳳枕孤且據如今情分
裏相期只恐多時不似初深意託雙魚小剪
蠻箋細字書更把此情重問得何如共結因緣
久遠無

又

新月又如眉長笛誰教月下吹樓倚暮雲初見
雁南飛謾道行人雁後歸意欲夢佳期夢裏
關山路不知却待短書來破恨應遲還是涼生
玉枕時

清平樂

畱人不住醉解蘭舟去一棹碧濤春水路過盡
曉鷺啼處渡頭楊柳青青枝枝葉葉離情此
後錦書休寄回樓雲雨無憑

又

千花百草送得春歸了拾盡人稀紅漸少葉底
杏青梅小小瓊閒抱琵琶雪香微透輕紗正
好一枝嬌豔當年獨占韶華

又

煙輕雨小紫陌香塵少謝客池塘生綠草一夜
紅梅先老旋題羅帶新詩重尋楊柳佳期強
半春寒去後幾番花信來時

又

可憐嬌小掌上承恩早把鏡不知人易老欲占
朱顏常好画堂秋月佳期藏鈎賭酒歸遲紅
燭淚前低語綠箋花裏新詞

又

紅英落盡未有相逢信可恨流年凋綠鬢睡得
春醒欲醒鈿箏曾醉西樓朱絃玉指梁州曲
罷翠簾高捲幾回新月如鈎

又

春雲綠處又見歸鴻去側帽風前花滿路冶葉
倡條情緒紅樓桂酒新開曾攜翠袖同來醉
弄影娥池水短簫吹落殘梅

么絃寫意意密絃聲碎書得鳳箋無限事猶恨
春心難寄臥聽疎雨梧桐雨餘淡月朦朧一
夜夢魂何處那回楊葉樓中

又

又

波紋碧皺曲水清明後折得疎梅香滿袖暗喜
春紅依舊歸來紫陌東頭金釵換酒銷愁柳
影深深細路花梢小小層樓

笙歌宛轉臺上吳王宴宮女如花倚春殿舞綻
縷金衣綫酒闌画燭低迷彩鷺驚起雙棲月
底三千繡戶雲間十二瓊梯

又

又

西池煙草恨不尋芳早滿路落花紅不掃春色
漸隨人老遠山眉黛嬌長清歌細逐霞鶻正
在十洲殘夢水心宮殿斜陽

暫來還去輕似風頭絮縱得相逢畱不住何況
相逢無處去時略約黃昏月華却到朱門別
後幾番明月素娥應是消魂

又

又

蕙心堪怨也逐春風轉丹杏牆東當日見幽會
綠窗題徧眼中前事分明可憐如夢難憑都
把舊時薄倖只消今日無情

雙紋彩袖笑捧金船酒嬌妙如花輕似柳勸客
千春長壽豔歌更倚疎絃有情須醉撥前恰
是可憐時候玉嬌今夜初圓

又

又

寒催酒醒曉陌飛霜定背照画簾殘燭影斜月
光中人靜 錦衣才子西征萬重雲水初程翠
黛倚門相送鸞腸斷處離聲

又

蓮開欲徧一夜秋聲轉殘綠斷紅香片片長是
西風堪怨 莫愁家住溪邊採蓮心事年年誰
管水流花謝月明昨夜蘭船

又

沉思暗記幾許無憑事菊籬開殘秋少味閒却
画欄風意 夢雲歸處難尋微涼暗入香襟猶
恨那回庭院依前月淺燈深

又

鷺來燕去宋玉牆東路草草幽歡能幾度便有
繫人心處 碧天秋月無端別來長照關山一
點厭厭誰會依前凭喚關干

又

心期休問只有尊前分勾引行人添別恨因是
語低香近 勸人滿酌金鐘清歌唱徹還重莫
道後期無定夢魂猶有相逢

玉樓春

鞦韆院落重簾暮彩筆閒來題繡戶牆頭丹杏
雨餘花門外綠楊風後絮 朝雲信斷知何處
應作襄王春夢去紫騮認得舊游踪嘶過画橋
東畔路

又

小鞦若解愁春算一笑畱春春也佳晚紅初減
謝池花新翠已遮瓊苑路 湔裙曲水曾相遇
挽斷羅中容易去啼珠彈盡又成行畢竟心情
無會處

又

小蓮未解論心素狂似鈿箏絃底柱臉邊霞散
酒初醒脣上月殘人欲去 舊時家近章臺住

盡日東風吹柳絮生憎繁杏綠陰時正礙粉牆
偷眼覷

何處定

又

又

風簾向曉寒成陣未報東風消息近試從梅蒂
紫邊尋更遠柳枝柔處問來遲不是春無信
開曉却疑花有恨又應添得幾分愁二十五絃
彈未盡

阿茸十五腰肢好天與懷春風味早画眉勻臉
不知愁帶酒薰香偏稱小東城楊柳西城草
會合花期如意少思量心事薄輕雲綠鏡臺前
還自笑

又

已上舊另刻水蘭
花今致調同併入

又

念奴初唱離亭宴會作離聲勾別怨當時垂淚
憶西樓溼盡羅衫歌未徧難逢最是身強健
無定莫如人聚散已拚歸袖醉相扶更惱香檀
珍重勸

初心已恨花期晚別後相息長在眼蘭衾猶有
舊時香每到夢回珠淚滿多應不信人腸斷
幾夜夜寒誰共曉欲將恩愛結來生只恐來生
緣又短

又

又

玉真能唱朱簾靜憶上雙蓮池上聽百分蕉葉
醉如泥却向斷腸聲裏醒夜涼水月鋪明鏡
更看嬌花閒弄影曲終人意似流波休問心期

離鞍好爲鶯花住占取東城南陌路儘教春思
亂如雲莫管世情輕似絮古來都被虛名誤
寧負虛名身莫負勸君頻入醉鄉來此是無愁
無恨處

又

一尊相遇春風裏詩好似君人有幾吳姬十五
語如弦能唱當時樓下水 良辰易去如彈指
金盞十分須盡意明朝三丈日高時共拚醉頭

旗亭西畔朝雲住沉水香煙長滿路柳陰分到
畫眉邊花片飛來垂手處 妝成儘任秋娘妬
裊裊盈盈當繡戶臨風一曲醉騰騰陌上行人
凝恨去

扶不起

又

又

瓊酥酒面風吹醒一縷斜紅臨晚鏡小顰微笑
盡妖燒淡注輕勻長淡淨 手接梅蕊尋香徑
正是佳期期未定春來還爲箇般愁瘦損宮腰

離鸞照罷塵生鏡幾點吳霜侵綠鬢琵琶絃上
語無憑草惹梢頭春有信 相息拚損朱顏盡
天若多情終欲問雪窗休記夜來寒桂酒已銷
人去恨

羅帶剝

又

又

清歌學得秦娥似金屋瑤臺知姓字可憐春恨
一主心長帶粉痕雙袖淚 從來懶語低眉事
今日新聲誰會意坐中應有賞音人試問回腸

東風又作無情計豔粉嬌紅吹滿地碧樓簾影
不遮愁還似去年今日意 誰知錯管春殘事
到處登臨曾費淚此時金盞直須深看盡落花
能幾醉

曾斷未

又

又

斑駁路與陽臺近前度無題初借問曉風鞭袖

儘閒垂微月簾櫳曾暗認 梅花未足憑芳信
絃語豈堪傳素恨翠眉繞似遠山長寄興此愁
顰不盡

又

紅綃學舞腰肢軟施織舞衣宮樣染織成雲外
雁行斜染作江南春水淺 露挑宮裏隨歌管
一曲霓裳紅日晚歸來雙袖酒成痕小字香箋

無意展

又

當年信道情無價桃葉尊前論別夜臉紅心緒
學梅妝眉翠工夫如月画 來時醉倒旗亭下
知是阿誰扶上馬憶曾挑盡五更燈不記臨分
多少話

又

採蓮時候慵歌舞水日閒從花裏度暗隨蘋末
曉風來直待柳梢斜月去 停撓共說江頭路

臨水樓臺蘇小住細息巫峽夢回時不減秦源
腸斷處

又

芳年正是香英嫩天與嬌波長入鬢盞珠宮裏
舊承恩夜拂銀屏朝把鏡 雲情去住終難信
花意有無休更問醉中同盡一盃歡歸後各成
孤枕恨

又

輕風拂柳水初綻細雨銷塵雲未散紅窗青鏡
待妝梅綠陌高樓催送雁 華羅歌扇金蕉醖
記得尋芳心緒慣鳳城寒盡又飛花歲歲春光
常有恨

減字木蘭花

長亭晚送都似綠窗前日夢小字還家恰應紅
燈昨夜花 良時易過半鏡流年春欲破往事
難忘一枕高樓到夕陽

又

畱春不住恰似年光無味處滿眼飛英彈指東
風太淺情 箏絃未穩學得新聲難破恨轉枕
花前且伴香紅一夜眠

又

長楊輦路綠滿當年攜手處試逐春風重到宮
花花樹中 芳菲遶徧今日不如前日健酒罷
淒涼新恨猶添舊恨長

洞仙歌

春殘雨過綠暗東池道玉豔藏羞媚賴笑記當
時已恨飛鏡歡疎那至此仍苦題花信少 連
環情未已物是人非月下疎梅似伊好潛秀色
黯寒香繁若春容何心顛問花九草但莫使情
隨歲華遷便香隔秦源也須能到

菩薩蠻

來時楊柳東橋路曲中暗有相期處明月好因

緣欲圓還未圓 却尋芳草去西窗遠微雨飛

翠莫無情聞花應笑人

又

箇人輕似低飛燕春未綺陌時相見堪恨兩橫
波箇人情緒多 長留青鬢住莫放紅顏去占
取豔陽天且教伊少年

又

鶯啼似作畱春語花飛鬪學回風舞紅日又平
西窗簾透燕泥 煙花還自老綠境人空好香
在去年衣魚箋音信稀

又

春風未放花心吐尊前不擬分明語酒色上來
遲綠鬢紅杏枝 今朝眉黛淺暗恨歸時遠前
夜月當樓相逢南陌頭

又

嬌香淡染胭脂雪愁春細画彎彎月花月鏡邊

人凌妝勻未成 佳期應有在試倚鞦韆待滿
地落英紅萬條楊柳風

又

香蓮燭下勻丹雪妝成笑弄金階月嬌面勝芙蓉
容臉邊天與紅 玳筵雙揭鼓喚上華茵舞春
淺未禁寒暗嫌羅袖寬

又或刻張子野

哀箏一弄湘江曲聲聲寫盡湘波綠纖指十三
絃細將幽恨傳 當筵秋水慢玉柱斜飛雁彈
到斷腸時春山眉黛低

又

江南未雪梅花白憶梅人是江南客猶記舊相
逢淡煙微月中 玉容長有信一笑端來近懷
遠上樓時晚雲和雁低

又

相逢欲話相思苦淺情肯信相思否還恐謾相

息淺情人不知 憶曾攜手處月滿窗前路長
到月來時不眠猶待伊

阮郎歸

粉痕閒印玉尖纖啼紅傷曉奩舊寒新暝尚相
兼梅疎待雪添 春冉冉恨厭厭章臺對卷簾
箇人鞭影弄涼蟾樓前側帽簷

又

來時紅日弄窗紗春紅入睡霞去時庭樹欲棲
鷓香屏掩月斜 收翠羽整妝筆青驪信又差
玉笙猶戀碧桃花今宵未憶家

又

舊香殘粉似當初人情恨不如一春猶有數行
書秋來書更疎 衾風冷枕鸞孤愁腸待酒舒
夢魂縱有也成虛那堪和夢無

又

天邊金掌露成霜雲隨雁字長綠盃紅袖趁重

陽人情似故鄉 蘭佩紫菊簪黃
慙理舊狂 欲將沉醉換悲涼
清歌莫斷腸

又

曉妝長趁景陽鍾
雙蛾著意濃
舞腰浮動綠雲
穠櫻唇半點紅
憐美景惜芳容
沉思暗記中
春寒簾幙幾重重
楊花盡日風

浣溪沙

二月春花厭落梅
仙源歸路碧桃催
渭城絲雨
勸離盃 歡意似雲真薄倖
客鞭搖柳正多才
鳳樓人待錦書來

又

臥鴨池頭小苑開
暄風吹盡北枝梅
長莎軟路
幾紮回 靜選綠陰鶯有意
謾隨遊騎絮多才
去年今日憶同來

又

二月風和到碧城
萬條千縷綠相迎
舞煙弄日

過清明 妝鏡巧眉偷
葉樣歌臺妍
曲借枝名 晚秋霜霰莫無情

又

白紵春衫楊柳鞭
碧蹄驕馬杏花鵲
落英飛絮 冶遊天 南陌暝風吹舞榭
東城涼月照歌筵
賞心多是酒中仙

又

床上銀屏幾點山
鴨爐香過瑣窗寒
小雲雙枕 恨春間 惜別謾成良夜醉
解愁時有翠牋還
那回分袂月初殘

又

綠柳藏烏靜掩關
鴨爐香細瑣窗閒
那回分袂 月初殘 惜別謾成良夜醉
解愁時有翠牋還
欲尋雙燕寄情難

又

家近旗亭酒易酤
花時長得醉工夫
伴人歌扇

嬾妝梳 戶外綠楊春繫馬床頭紅燭夜呼盧
相逢還解有情無
鏡中遊 腰自細來多態度臉因紅處轉風流
年年相遇綠江頭

又

又

日日雙眉鬪画長行雲飛絮芙蓉輕狂不將心嫁
冶遊郎 濺酒滴殘歌扇字弄花熏得舞衣香
已折鞦韆不奈閒却隨蝴蝶到花間旋尋雙葉
插雲鬟 幾褶湘裙煙縷細一鈎羅襪素蟾彎
一春彈淚說淒涼
綠箋紅豆憶前歡

又

又

樓上燈深欲閉門夢雲散處不畱痕幾年芳草
憶王孫 白日關千依舊綠試將前事倚黃昏
閒弄箏絃嬾繫裙鉛筆銷盡見天真眼波低處
事還新 悵恨不逢如意酒尋思難值有情人
記曾來處易銷魂
可憐虛度鎖窗春

又

又

午醉西橋夕未醒兩花淒斷不堪聽歸時應減
鬢邊青 衣化客塵今古道柳含春意短長亭
團扇初隨碧簾收画簾歸燕尚遲畱靨朱眉翠
喜清秋 風意未應迷狹路燈痕猶自記高樓
鳳樓爭見路傍情
露花煙葉與人愁

又

又

一樣宮妝簇彩舟碧團羅扇自障羞水仙時在
翠闌朱闌倚處危夜涼閒捻彩簫吹曲中雙鳳

已分飛 綠酒細傾銷別恨紅箋小寫問歸期
月華風意似當時

又

唱得紅梅字字香柳枝桃葉盡深藏
過雲聲裏送離觴 纔聽便拚衣袖溼欲歌先倚黛眉長
曲終敲損燕釵梁

又

小杏春聲學浪仙疎梅清唱替哀絃似花如雪
繞瓊筵 腮粉月痕妝罷後臉紅蓮豔酒醒前
今年新調得人憐

又

銅虎分符領外臺五雲深處彩旌來春隨紅旆
過長淮 千里袴襦添舊暝萬家桃李間新栽
使星回首是三台

又

浦口蓮香夜不收水邊風裏欲生秋
悼歌聲細

不驚鷗 涼月送歸思往事落英飄去起新愁
可堪題葉寄東樓

又

莫問逢春能幾回能歌能笑是多才露花猶有
好枝開 綠鬢舊人皆老大紅梁新燕又歸來
儘須珍重掌中盃

六么令

綠陰春盡飛絮遠香閣晚來翠眉宮樣巧把遠
山學一寸狂心未說已向橫波覺画簾遮匝新
翻曲妙暗許聞人帶偷插 前度書多隱語意
淺愁難答昨夜詩有回紋韵險還慵押都待筆
歌散了記取畱時霎不消紅蠟聞雲歸後月在
庭花舊關角

又

雪殘風信悠颺春消息天涯倚樓新恨楊柳幾
絲碧還是南雲雁少錦字無端的寶釵瑤席彩

絃聲裏拚作尊前未歸客 遙想疎梅此際月
底香英折別後誰繞前溪手揀繁枝摘莫道傷
高恨遠付與臨風笛儘堪愁寂花時往事更有
多情箇人意

又

日高春睡喚起嬾裝束年年落花時候慣得嬌
眠足學唱宮梅便好更暝銀笙逐黛蛾低綠堪
教人恨却似江南舊時曲 常記東樓夜雪翠
幕遮紅燭還是芳酒盃中一醉光陰促曾笑陽
臺夢短無計憐香玉此歡難續乞求歌罷借取
歸雲回堂宿

更漏子

盤花掃地草編冷落吹笙庭院人去日燕西飛
燕歸人未歸 數書期尋夢意彈指一年春事
新悵望舊悲涼不堪紅日長

又

柳間眠花裏醉不憺繡裙鋪地釵燕重鬢蟬輕
一雙梅子青 粉箋書羅袖淚還有可憐新意
遮悶綠掩羞紅晚來團扇風

又

柳絲長桃葉小深院斷無人到紅日淡綠煙晴
流鶯三兩聲 雪香濃檀暈少枕上臥枝花好
春思重曉妝遲尋思殘夢時

又

露華高風信遠宿醉画簾低捲梳洗倦冶遊慵
綠窗春睡濃 絲條輕金縷重昨日小橋相送
芳草恨落花愁去年同倚樓

又

出牆花當路柳偕問芳心可否紅解笑綠能掣
千般惱亂春 北來人南去客朝暮等閒攀折
憐晚秀惜殘陽情知枉斷腸

又

欲論心先掩淚零落去年風味閒臥處不言時
愁多只自知 到情深俱是怨惟有夢中相見
猶似舊奈人禁恨人說寸心

御街行

年光正似花梢露彈指春還算翠眉仙子望歸
來倚徧玉城珠樹豈知別後好風涼月往事無
尋處 任情錯向紅塵住忘了瑤臺路碧桃花
盡已應開欲伴彩雲飛去回思十載朱顏青鬢
枉被浮名誤

又

街南綠樹春饒絮雪滿遊春路樹頭花豔雜嬌
雲樹底人家朱戶北樓閣上疎簾高卷直見街
南樹 欄干倚盡猶慵去幾度黃昏雨晚春盤
馬踏青苔曾傷綠陰深駐落花猶在香屏空掩
人面知何處

浪淘沙

高閣對橫塘新燕年光柳花殘夢隔瀟湘綠浦
歸帆看不見還是斜陽 一笑解愁腸人會蛾
妝藕絲衫袖鬱金香曳雪牽雲雷客醉且伴春
狂

又

小綠間長紅露盡煙籠花開花落管年同惟恨
花前攜手處往事成空 山遠水重重一笑難
逢已拚長在別離中霜鬢知他從此去幾度春
風

又

麗曲醉思仙十二哀絃穠蛾疊柳臉紅蓮多少
雨條煙葉恨紅淚離筵 行子惜流年鷓鴣枝
邊吳堤春水艤蘭船南去北來今漸老難負尊
前

又

翠幕綺筵張淑景難忘陽關聲巧遠離梁美酒

十分誰與共玉指持觴 曉枕夢高唐略話哀
腸小山池院竹風涼明夜月圓籬四捲今夜思
量

訴衷情

種花人自盡宮來牽衣問小梅今年芳意無數
何似應枝開 憑寄語謝瑤臺客無才粉香傳
信玉盞開筵莫待春回

又

淨楷妝臉淺勻眉衫子素梅兒方無心緒梳洗
閒淡也相宜 雲態度柳腰肢入相思夜來月
底今日尊前未當佳期

又

渚蓮雷曉墜殘紅依約舊秋同玉人團扇恩淺
一意恨西風 雲去住月朦朧夜寒濃此時還
是淚墨書成未有歸鴻

又

憑觴靜憶去年秋桐落故溪頭詩成自寫紅葉
和恨向東流 人脉脉水悠悠幾多愁雁書不
到蝶夢無憑謾倚高樓

又

小梅風韻最妖嬈開處雪初消南枝欲附春信
長恨隴人遙 閒記憶舊江臯路迢迢暗香浮
動疎影橫斜幾處溪橋

又

長因蕙草記羅裙綠腰沉水熏闌干曲處人靜
曾笑倚黃昏 風有韻月無痕暗消魂擬將幽
恨試寫殘花寄與朝雲

又

御紗新製石榴裙沉香慢火熏越羅雙帶宮樣
飛鸞碧波紋 隨錦字疊香芸寄文君繫來花
下解向尊前誰伴朝雲

又

都人離恨滿歌筵清唱倚危絃星屏別後千里
重見是何年 驄騎穩繡衣鮮欲朝天北人歡
笑南國悲涼迎送金鞭

碧牡丹

翠袖疎紈扇涼葉催歸燕一夜西風幾處傷高
懷遠細菊枝頭開嫩香還徧月痕依舊庭院事
何限 悵望秋意晚離人鬢華將換靜憶天涯
路比比情猶短試約鸞箋傳素期良願南雲應
有新雁

望僊樓

小春花信日邊來未上江梅先拆今歲東君消
息還自南枝得 素衣染盡天香玉酒添成團
色一自故溪疎隔腸斷長相憶

行香子

晚綠寒紅芳意匆匆惜年華今與誰同碧雲零
落數字征鴻看渚蓮凋宮扇舊怨秋風 流波

墜葉佳期何狂想天教離恨無窮試將前事閒
倚梧桐有銷魂處明月夜粉屏空

點絳脣

花信來時恨無人似花依舊又成春瘦折斷門
前柳 天與多情不與長相守分飛後淚痕和
酒占了雙羅袖

又

明月征鞭又將南陌垂楊折自憐輕別拚得音
塵絕 杏子枝邊倚徧闌干月依前缺去年時
節舊事無人說

又

碧水東流謾題涼華津頭寄謝娘春意臨水顰
雙翠 日日驪歌空費行人淚成何計未知濃
醉閒掩紅樓睡

又

妝席相逢旋勻紅淚歌金縷意中曾許欲共吹

花去 長愛荷香柳色般橋路畱人住淡煙微
雨好箇雙棲處

又

湖上西風露花啼處秋香老謝家春草唱得清
商好 笑倚蘭舟轉盡新聲了煙波渺暮雲稀
少一點涼蟾小

少年遊

綠勾闌畔黃昏淡月攜手對殘紅紗窗影裏朦
朧春睡繁杏小屏風 須愁別後天高海闊何
處更相逢幸有花前一盃芳酒歸計莫匆匆

又

西溪丹杏波前媚臉珠露與深勻南橋翠柳煙
中愁黛絲雨惱嬌翠 常年此處聞歌帶酒曾
對可憐人今夜相思水長山遠聞臥送殘春

又

離多最是東西流水終解兩相逢淺情終似行

雲無定猶到夢魂中 可憐人意薄于雲水佳
會更難重細想從來斷腸多處不與這番同

又

西樓別後風高露冷無奈日分明飛鴻影裏檣
衣站外總是玉關情 王孫此際山重水遠何
處賦西征金閨魂夢枉叮嚀尋盡短長亭

又

離梁燕去裁詩寄遠庭院舊風流黃花醉了碧
梧題罷聞臥對高秋 繁雲破後分明素月涼
影掛金鈎有人凝澹倚西樓新樣兩眉愁

虞美人

聞敲玉鐙隨堤路一笑開朱戶素雲凝澹月嬋
娟門外鴨頭春水木蘭船 吹花拾蕊嬉遊慣
天與相逢晚一聲長笛倚樓時應恨不題紅葉

寄相思

又

飛花自有牽情處不向枝邊墜隨風飄蕩已堪
愁更伴東流流水過秦樓 樓中翠黛含春怨
閒倚闌干遍自彈雙淚惜香紅暗恨玉顏光景
與花同

又

曲闌干外天如水昨夜還曾倚初將明月比佳
期長向月圓時候望人歸 羅衣著破前香在
舊意誰教改一春離恨懶調絃猶有兩行閒淚
寶箏前

又

疎梅月下歌金縷憶共文君語更誰情淡似春
風一夜滿枝新綠替殘紅 蘋香已有蓮開信
兩漿佳期近採蓮時節定來無醉後滿身花影
倩人扶

又

玉簫吹徧煙花路小謝經年去更教誰畫遠山

眉又是陌頭風細惱人時 時光不解年年好
葉上秋聲早可憐蝴蝶易分飛只有杏梁雙燕
每來歸

又

秋風不似春風好一夜金英老更誰來凭曲闌
干唯有雁邊斜月照關山 雙星舊約年年在
笑盡人情改有期無定是無期說與小雲新恨
也低眉

又

小梅枝上東君信雪後花期近南枝開盡北枝
開長被隴頭遊子寄春來 年年衣袖年年淚
堪爲今朝意問誰同是憶花人賺得小鳴眉黛
也低顰

又

溼紅箋紙回紋字多少柔腸事去年雙燕欲歸
時還是碧雲千里錦書遲 南樓風月長依舊

別恨無端有情誰橫笛倚危欄今夜落梅聲裏
盧鞭墜徧楊花陌晚見珍珠疑是朝雲來作高
唐夢裡人 應憐醉拂樓中帽長帶歌塵試拂

怨關山

香茵畱解金鞭睡過春

又

又

一絃彈盡仙韶樂曾破千金學玉樓銀燭夜深
深愁見曲中雙淚落千金 從來不奈離聲怨
幾度朱絃斷未知誰解賞新音長是好風明月
暗知心

日高庭院楊花轉閒淡春風昨夜匆匆墮入遙
山翠黛中 金盆水冷菱花淨滿面殘紅欲洗
猶慵絃上啼鳥此夜同

採桑子

又 此詞向刻體
似兒另編

鞦韆散後朦朧月滿院人閒幾處離關一夜風
吹杏粉殘 昭陽殿裏春衣就金縷初乾莫信
朝寒明日花前試舞看

日高庭院楊花轉閒淡春風鶯語惺惚似笑金
屏昨夜空 嬌慵未洗勻粧手閒印斜紅新恨
重重都與年時舊意同

又

又

花前獨占春風早長愛江梅秀豔清孟芳意先
愁怨管吹 尋香已落閒人後此恨難裁更晚
須來却恐初開勝未開

征人去日慙慙莫負心期寒雁來時第一傳
書慰別離 輕風織就機中素淚墨題詩欲寄
相思日日高樓看雁飛

又

又

花時惱得瓊枝瘦半被殘香睡損梅粧紅淚今
春第一行 風流笑伴相逢處白馬遊韉共折
垂楊手撚芳條說夜長

又

春風不負年年信長赴花期小錦堂西紅杏初
開第一枝 碧簫度曲畱人醉昨夜歸遲恨短
憑誰罵語慙慙月落時

又

秋來更覺銷魂若小字還稀坐想行思怎得相
看似舊時 南樓把手憑肩處風月應知別後
除非夢裏時時得見伊

又

誰將一點淒涼意送入低眉画箔間垂多是今
宵得睡遲 夜痕記盡窗間月曾誤心期準擬
相思還是窗間記月時

又

宜春苑外樓堪倚雪意方濃雁影冥濛正共銀
屏小景同 可無人解相思處昨夜東風梅蕊
應紅知在誰家錦字中

又

白蓮池上當時月今夜重圓曲水蘭船憶伴飛
瓊看月眠 黃花綠酒分攜後淚溼吟箋舊事
年年時節南湖又採蓮

又

高吟爛醉淮西月詩酒相畱明日歸舟碧藕花
中醉過秋 文姬贈別雙團扇舟瀉銀鈎散盡
離愁攜得清風到別州

又

前歡幾處笙歌地長負登臨月幌風襟猶憶西
樓著意淡 鶯花見盡當時事應笑如今一寸
愁心日日寒蟬夜夜砧

又

無端惱破桃源夢
明月青樓玉膩花柔不學行
雲易去畱 應嫌衫袖前香冷
重銜金虬歌扇
風流遮盡歸時翠黛愁

又

年時此夕東城見
歡意匆匆明日還重却在樓
臺縹緲中 垂螺拂黛清歌女
曾唱相逢秋月
春風醉枕香衾一歲同

又

雙螺未學同心綰
已占歌名月白風清長倚照
華笛裏聲 知音敲盡朱顏改
寂寞時情一曲
離亭俗與青樓忍淚聽

又

西樓月下當時見
淚粉偷勻歌罷還釵恨隔爐
煙香未真 別來樓外垂楊縷
幾換青春倦客
紅塵長記樓中粉淚人

又

非花非霧前時見
滿眼嬌春淺笑微顰恨隔重
簾看未真 殷勤借問家何處
不在紅塵若是
朝雲宜作今宵夢裏人

又

當時月下分飛處
依舊淒涼也會思量不道孤
眠夜更長 淚痕搵偏鴛鴦枕
重繞迴廊月上
東窗長到如今欲斷腸

又

湘妃浦口蓮開盡
昨夜紅稀纔過前溪開艤扁
舟看雁飛 去年謝女池邊醉
晚雨霏微記得
歸時旋折新荷蓋舞衣

又

別來長記西樓事
結徧蘭衿遺恨重尋絃斷相
如綠綺琴 何時一枕逍遙夜
細話初心若問
如今也似當年著意深

又

紅窗碧玉新名舊猶綰雙螺一寸秋波一斛明
珠覺未多 小來竹馬同遊客慣聽清歌今日
蹉跎惱亂工夫暈翠蛾

又

此闕舊刻雖如兒另編亦精有異同日
日作開透開倚作方香應從作可憐

昭華鳳管知名久長閉簾櫳日日春慵閒倚庭

花暈臉紅 應從金谷無人後此會相逢三弄

臨風送得當筵玉釵空

又

金風玉露初涼夜秋草窗前淺醉閒眠一枕江
風夢不圓 長情短恨難憑寄枉費紅箋試拂
么絃却恐琴心可倩傳

又

心期昨夜尋思徧猶負慙勤齊斗堆金難買丹
誠一寸真 須知枕上尊前意占得長春寄語
東鄰似此相看有幾人

踏莎行

柳上煙歸池南雪盡東風漸有繁華信花開花
謝蝶應知春來春去豈能問 夢意猶疑心期
欲近雲箋字字繁方寸宿妝曾比杏腮紅憶人
細把香英認

又

宿雨收塵朝霞破暝風光暗許花期定玉人呵
手試妝時粉香簾幙陰陰靜 斜雁朱絃孤鸞
綠鏡傷春誤了尋芳信去年今日杏牆西啼鶯
喚得閒愁醒

又

綠徑穿花紅樓壓水尋芳誤到蓬萊地玉顏人
是蕊珠仙相逢展盡雙蛾翠 夢草閒眠流觴
淺醉一春總見瀛洲事別來雙燕又西飛無端
不寄相思字

又

雪盡寒輕月斜煙重清權猶計前時共迎風未

戶背燈開拂簷花影侵簾動 繡枕雙鸞香苞
翠鳳從來往事都如夢傷心最是醉歸時眼前
少箇人人送

畱春令

画屏天畔夢回依約十洲雲水手撚紅箋寄人
書寫無限傷春事 別浦高樓曾謾倚對江南
千里樓下分流水聲中有當日凭高淚

又

採蓮舟上夜來陡覺十分秋意懊惱寒花暫時
香與情淺人相似 玉蕊歌清招晚醉戀小橋
風細水溼紅裙酒初消又記得南溪事

又

海棠風橫醉中吹落香紅強半小粉多情怨飛
絮仔細把殘春看 一抹濃檀秋水畔縷金衣
新換鸚鵡盃深豔歌遲更莫放人腸斷

清商怨

庭花香信口尚淺最玉樓先喚夢覺春衾江南
依舊遠 回紋錦字暗剪謾寄與也應歸晚要
問相息天涯猶自短

長相思

長相思長相思若問相思甚了期除非相見時
長相思長相思欲把相思說似誰淺情人不
知

醉落魄

滿街斜月垂鞭自唱陽關徹斷盡柔腸歸思切
都爲人人不許多特別 南橋昨夜風吹雪短
亭下征塵歇歸時定有梅堪折欲把離愁細然
花枝說

又

鸞孤月缺兩春惆悵音塵絕如今若負當時節
信道懽緣枉向衣襟結 若問相思何處歌相
逢便是相思徹儘饒別後畱心別也待相逢細

把相思說

又

天教命薄青樓占得聲名惡對酒當歌尋思著
月戶星窗多少舊期約 相逢細語初心錯兩
行紅淚尊前落霞觴且共深深酌惱亂春宵翠
被都閒却

又

休休莫莫離多還是因緣惡有情無奈思量著
月夜佳期近寫香箋約 心心口口長恨昨分
飛容易當時錯後期休似前歡薄買斷青樓莫
放春閒却

西江月

愁黛顰成月淺啼妝印得花殘只消鴛枕夜來
閒曉鏡心情便嬾 醉帽蒼頭風細征衫袖口
香寒綠江春水寄書難攜手佳期又晚

又

南苑垂鞭路冷西樓把袂人稀庭花猶有鬢邊
枝且揷殘紅自醉 画幕涼催燕去香屏曉放
雲歸依前青枕夢回時試問閒愁有幾

武陵春

綠蕙紅蘭芳信歇金盞正風流應爲詩人多怨
秋花意與銷愁 梁王苑路香英密長記舊嬉
遊曾看飛瓊戴滿頭浮動舞梁州

又

九日黃花如有意依舊滿瓊叢誰似龍山秋興
濃吹帽落西風 年年歲歲登高節權事旋成
空幾處佳人此會同今在淚痕中

又

煙柳長堤知幾曲一曲一魂銷秋水無情天共
遙愁送木蘭橈 熏香繡被心情嬾期信轉迢
迢記得來時倚画橋紅淚滿鮫綃

解佩令

玉階秋感年華暗去掩深宮團扇無情緒記得
當時自剪下機中輕素點丹青成秦女涼
襟猶在朱絃未改忍霜執飄零何處自古悲涼
是情事輕如雲雨倚么絃恨長難訴

泛清波摘遍

催花雨小著柳風柔都似去年時候好露紅煙
綠盡有狂情鬪春早長安道秋千影裏絲管聲
中誰放豔陽輕過了倦客登臨暗惜花光陰恨
多少 楚天渺歸息正如亂雲短夢未成芳草
空把吳霜鬢華自悲清曉帝城杏雙鳳舊約漸
虛孤鴻後期難到且趁朝花夜月翠尊頻倒

歸田樂

試把花期數便早有感春情緒看卽梅花吐願
花更不謝春且長住只恐去 春去花開還不
語此意年年春會否絳唇青鬢漸少花前語對
花又記得舊會遊處門外垂楊未飄絮

河滿子

對鏡偷勻玉筋肯人學寫銀鈎繫誰紅豆羅帶
角心情正著春遊卽日楊花陌上多時杏子牆
頭 眼底關山無奈夢中雲雨空休問看幾許
憐才意兩蛾藏盡離愁難拚此回腸斷終須銷
定紅樓

又

綠綺琴中心事齊紈扇上時光五陵年少渾薄
倖輕如曲水飄香夜夜魂銷夢映年年淚盡啼
湘 歸雁行邊遠字驚鸞舞處離腸蕙樓多少
鉛華在從來錯倚紅妝可羨鄰姬十五金釵早
嫁王昌

于飛樂

曉日當簾睡痕猶占香腮輕盈笑倚鸞臺暈殘
紅勻宿翠滿鏡花開嬌蟬鬢畔插一枝淡蕊珠
梅 每到春深多愁饒恨妝成懶下香階意中

人從別後繫繫情懷良辰好景相息字喚不歸來

愁倚欄令

憑江閣看煙鴻恨春濃還有當年聞笛淚灑東風
時候草紅花綠斜陽外遠水溶溶渾似阿蓮雙枕畔画屏中

又

花陰月柳梢鶯近清明長恨去年今夜雨灑離亭
枕上懷遠詩成紅箋紙小訝吳綾寄與征人教念遠莫無情

又

春羅薄酒醒寒夢初殘欹枕片時雲雨事已闌
山樓上斜日闌干樓前路曾試雕鞍拚却一襟懷遠淚倚欄看

破陣子

柳下笙歌庭院花間姊妹秋千記得青樓當日

事寫向紅窗夜月前憑誰寄小蓮絳蠟等閒陪淚吳蠶到了纏綿綠鬢能供多少恨未肯無情比斷絃今年老去年

好女兒

綠徧西池梅子青時儘無端盡日東風惡更霏微細雨惱人離恨滿路春泥應是行雲歸路有閒淚灑相思想旗亭望斷黃昏月又依前誤了紅箋香信翠袖歡期

又

酌酒殷勤儘更留春忍無情便賦餘花落待花前細把一春心事問箇人莫似花開還謝願芳意且常新倚嬌紅待得歡期定向水沉煙底金蓮影下睡過佳辰

兩同心

楚鄉春晚似入仙源拾翠處隨流水踏青路暗惹香塵心心在柳外青帘花下未門對景且

醉芳樽莫話銷魂好意思曾同明月愁滋味最
是黃昏相思處一紙紅箋無限啼痕

滿庭芳

南苑吹花西樓題葉故園歡事重重徒關秋思
閒記舊相逢幾處歌雲夢雨可憐流水各西東
別來久淺情未有錦字繫征鴻 年光還少味
開殘檻菊落盡溪桐謾畱得尊前淡月西風此
恨誰堪笑說清愁付綠酒盃中佳期在歸時待
把香袖看啼紅

風入松

柳陰庭院杏梢牆依舊巫陽鳳簫已遠青樓在
水沉難復喚前香臨鏡舞鸞難照倚箏飛雁辭
行 墜鞭人意自悽涼淚眼回腸斷雲殘雨當
年事到如今幾處難忘兩袖曉風花陌一簾夜
月蘭堂

又

心心念念憶相逢別恨誰濃就中懊惱難拚處
是擘釵分鈿匆匆却似桃源路失落花空記前
蹤 彩箋書盡浣溪紅深意難通強催帶酒圖
消遣到醒來愁悶還重若是初心未改多應此
意須同

秋蕊香

池花清陰欲就還傷送春時候眼中人去歡難
偶誰笑一盃芳酒 朱闌碧砌皆如舊記攜手
有情不管別離久情在相逢終有

又

歌徹郎君秋草別恨遠山眉小無情莫把多情
惱第一歸來須早 紅塵自古長安道故人少
相思不比相逢好此別朱顏應老

思遠人

紅葉黃花秋意晚千里念行客飛雲過盡歸鴻
無信何處寄書得 淚彈不盡臨窗滴就硯旋

研墨漸寫到別來此情深處紅箋為無色

鳳孤飛

一曲画樓鐘動宛轉歌聲緩綺席飛塵座滿更
小待金蕉喚 細雨輕寒今夜短依前是粉牆
別館端的懽期應未晚奈歸雲難管

慶春時

倚天樓殿昇平風月彩仗春移鸞絲鳳竹長生
調裏迎得翠輿歸 離鞍遊罷何處還有心期
濃薰翠被深停画燭人約月西時

又

梅梢已有春來音信風意猶寒南樓弄雪無人
共賞閒却玉欄干 慙慙今夜涼月還似眉彎
尊前爲把桃根麗曲重倚四絃看

喜團圓

危樓靜鎖窗中迢岫門外垂楊珠簾不禁春風
度解偷送餘香 眠思夢想不如雙燕得到蘭

房別來只是憑高淚眼感舊離腸

憶問令

取次臨鸞勻画淺酒醒遲來晚多情愛惹閒愁
長黛眉低飲 月底相逢見有深深良願願期
信似月如花須更交長遠

梁州令

莫唱陽關曲淚溼當年金縷離歌自古最消魂
于今更在魂銷處 南橋楊柳多情緒不繫行
人住人情却似飛絮悠揚便逐春風去

燕歸來

蓮葉雨蓼花風秋恨幾枝紅遠煙收盡水溶溶
飛雁碧雲中 乘暘事魚箋字情緒年年相似
凭高雙袖晚寒濃人在月橋東

補亡一編補樂府之亡也叔原往者浮沉

酒中病世之歌詞不足以析醜解慍試續
南部諸賢餘緒作五七字語期以自娛不

獨飲其所懷兼寫一時盃酒間聞見所同
遊者意中事嘗思感物之情古今不易竊
以謂篇中之意替人所不遺第于今無傳
爾故今所製通以補亡名之始時沈十二
廉叔陳十君寵家有蓮鴻蘋雲品清謳娛
客每得一解卽以草授諸兒吾三人持酒
聽之爲一笑樂已而君寵疾廢臥家廉叔
下世替之任篇醉句遂與兩家歌兒酒使
俱流轉于人間自爾郵傳滋多積有竄易
七月己已爲高平公綴緝成編追維往昔
過從飲酒之人或隴木已長或病不偶考
其篇中所紀悲歡合離之事如幻如電如
昨夢前塵但能掩卷惘然感光陰之易遷
嘆境緣之無實也

諸名媛詞集刪選相半獨小山集直通

花間字：考：綴：如鏡攝花：扶恨不能

起蓮鴻蘋雲按紅牙板唱和一過晏氏
父子共美迨配李氏父子云古虞毛晉記

小山詞終

東堂詞

目錄

鬪金門 一調

浣溪沙 二調

清平樂 二調

水調歌頭 三調

小重山 四調

踏莎行 八調

玉樓春 十二調

山花子 三調

南歌子 三調

臨江仙 三調

別銀燈 一調

武陵春 六調

秦樓月 一調

訴衷情 二調

減字木蘭花 三調

惜分飛 四調

蝶戀花 七調

更漏子 三調

西江月 四調

青玉案 四調

雨中花 二調

鵲橋仙 二調

點絳脣 十調

如夢令 一調

生查子 五調

浪淘沙 一調

菩薩蠻 八調

漁家傲 三調

阮郎歸 二調

絳都春 一調

天香 一調

滿庭芳 二調

八節長歡 二調

暮山溪 四調

洞仙歌 一調

遍地花 一調

夜遊宮 一調

醉花陰 二調

上林春令 一調

帶人橋 二調

河滿子 一調

七娘子 二調

夜行船 二調

燭影搖紅 三調

憶秦娥 二調

千飛樂 三調

虞美人 三調

洛陽春 一調

散餘霞 一調

最高樓 二調

少年遊 一調

粉蝶兒 一調

調笑令 八調

破子 一調

遣隊 一調

感皇恩 三調

東堂詞目錄

東堂詞

宋 毛滂

調金門

管遊

燈霰裏老去管遊不記月似舊時人不似小樓
何處是 歸臥晚香翠被玉酒著人小醉欲睡
先來都不睡此情那恁地

浣溪沙

晏太守張公內翰作

碧霧朦朧鬱寶熏和風容曳舞簾旌花間千騎
兩朱輪 金馬天材文作錦玉堂仙骨氣如水
湖山何似使君清

又

耐風韻

曾向瑤臺月下逢為誰回首矮牆東春風吹酒
退腮紅 庾嶺殷勤通遠信梅家瀟灑有仙風
晚香都在玉盃中

又

新春四夜松栢小飲欲雪復止

謝女清吟墜郢樓樓前風轉柳花球學成舞態

却多羞 半落瓊瑤天又惜稍侵桃李蝶應愁

酒家先當翠雲裘

又

仲冬朔日僧步花塢中晚酌蕭然見櫻桃有花

小圃韶光不待邀早通消耗與舍桃晚來芳意
半寒梢 含笑不言春淡淡試枚未徧雨蕭蕭
東家小女可憐嬌

又

家人生日

日照遮簷繡鳳皇博山金暎一簾香尊前光景
為君長 不信臘寒雌鬢影漸勻春意上粧光
梅花長笑占年芳

又

上元遊靜林寺或刻陸放翁

花市東風捲笑聲柳溪人影亂于雲梅花何處
暗香聞 露溼翠雲裘上月燭搖紅錦帳前春
瑤臺有路漸無塵

又

詠梅或刻惜香繁府

月樣嬋娟雪樣清此花強占百花春簾中燭底

好精神 多恨肌膚元自瘦半殘粧粉不慳勻
燭花偏 瑤甕李堆春這裏錦屏屈曲夢誰邊

十分全似那人人

熏籠香暎索衣添

又 勿春泥舟時北山晴雪
盈尺而水南梅林盛開

又 九月十二
交務亭作

水北煙寒雪似梅水南梅開雪千堆月明南北
碧浸澄沙上下天曲堤疎柳短長煙月明不待

兩瑤臺 雲近恰如天上坐魂清疑向斗邊來
十分圓 擊落未空牙板闌闌干久凭夾衣寒

梅花多處載春回

嬋娟薄倖冷相看

又 寒食別晴
東堂對酒

又 武康
日

小雨初收蝶做團和風輕拂燕泥乾鞦韆院落
碧戶未窗小洞房玉酪新壓嫩鵝黃半青橙子

落花寒 莫對清尊追往事更催新火續餘歡
可伶香 風露滿簾清似水笙簫一片醉爲鄉

一春心緒倚闌干

芙蓉繡冷夜初長

又 寒食初晴
東堂對酒

又

羅紫姚黃欲占春不教桃杏見清暉殘紅吹盡
松菊秋來好在無寄聲猿鶴莫情疎淵明不老

恰纔晴 芳草池塘新漲綠官橋楊柳半拖青
久脚躡 打鼓楓林誰作社枕溪茆屋憶吾廬

鞦韆院落管絃聲

去年醉倒倩人扶

又 八月十八
夜東堂作

又

晚色寒清入四簷梧桐冷碧到疎簾小花未了
本是青門學灌園生涯渾在亂山前一犁春雨

種瓜田 別後倩雲遮鶴帳來時和月寄漁船

傷人莫做長官看

又 泊望仙橋月夜舟中書客

晚色輕涼入画船雲峰飛盡玉為天疎颺自為

月寒簾 細酌流霞君且住更深風月更清妍

為誰妻斷小橋邊

又 訪吳中朋友

錦里無端無素書長安秋晚憶家無故人來此

尚踟躕 舊事殷勤休忘了老來凄斷惡消除

小樓雪夜記當初

又 松窗夜雨寄客感追往事

記得山翁住少年青樓一笑萬錢錢寶鞍逐月

玉鞭寒 老對東醪留客話醉爬短髮枕書眠

又 泛舟還餘英編

煙柳風蒲冉冉斜小窗不用著簾遮載將山影

轉灣沙 略約斷時分岸色蜻蜓立處過汀花

此情此水共天涯

又 送湯詞

蕙炷猶熏百和樓蘭膏正爛五枝紅風流雲散

太匆匆 仙草已添君樽爽醉鄉肯為我從容

瞻風殘月小庭空

又 泛舟

銀字笙簫小小童梁州吹過柳橋風阿誰勸我

玉盃空 小醉徑須眠錦瑟夜歸不用照紗籠

又 画船簾卷月明中

豔豔金波暝做春疎疎煙柳瘦于人柳邊半醉

不勝情 未解画船留待月緩歌金縷細留雲

將雲帶月入東門

又 月夜對梅花小酌

蠟燭花中月滿窗楚梅初試壽陽妝麒麟為脯

玉爲漿 花影燭光相動蕩抱持春色入金觴
鴨爐從冷醉魂香

又

竹送秋聲入小窗香迷夜色暗牙床小屏風掩
燭花長 雁過故人無信息酒醒殘夢寄淒涼
画橋露月冷鴛鴦

清平樂

千葉芝

九重寒少煙暝豐瑤草金井碧梧離鳳矯南極
人來最老 衣冠遠換裘檀德隨和氣蟬連萬
里同開壽域一年三秀芝田

又

重芳疊秀風約仙雲繡椿不爭年松與壽共出
皇家忠孝 仁深枯冷皆蒙托根不倚東風日
照恩光萬里暎生塞草叢中

又

鏤煙剪霧鞦韆無層數首箇青深煩雪兔引到

祥華開處 仙人手翳朝陽清都絳闕相將來
覆東封翠輦好遮化日舒長

又

九金爲壽千葉前無有葉葉年年看不朽天與
君王意厚 君恩雨露無邊玉筵暖接非煙馬
向華山烽冷人安草亦千年

又

絳河清

絳河千歲一照昇平事萬里青銅開碧霽俯見
南山晚翠 紺寒不翅湘鄒清于練靜江澄流
向萬年鵬裏玉波可但如灑

又

銀河秋浪遙出崑崙上忽變澄瀾添碧漲可道
昇平無象 黃雲濁霧初開榮光休氣徘徊試
覓當時五老金泥玉檢將來

又

天連翠嶽九折坡瓌軟回挽金隄清宛轉疑芙

蓬萊清淺 吾君欲濟如何唐虞風順無多自
有松舟檜楫一帆三代同波

又 太師相
公生辰

娟娟月滿冉冉梅花暎春意初長寒力淺漸擬
芳菲滿眼 當時吉夢重重問生天子三公付
與人間桃李年年管領春風

又

瀛洲春酒滿酌公眉壽日照沙隄春倚柳恩暎
朝天袞繡 東君著意叮嚀芳酸先許梅英要
就昇平滋味待公來進君羹

又

雪餘寒退唯有青松在春不加荼寒不領用捨
如公都耐 流肪磊砢龜蛇會雷紅日西斜欲
助戎公壽骨蟠桃等見開花

又 已卯長
至作

流光電急又過書雲日舊是天津花下客老對

山青水碧 而今轉愴年華遲陽爲緩西斜試
問東君音信曉寒猶壓梅花

又 東堂月夕小酌時寒
秀亭下笑羅花盛開

雲峯秀疊露冷瑠璃葉非畔安羅花弄雪香度
小橋淡月 與君踏月尋花玉人雙捧流霞吸
盡盃中花月仙風相送還家

又 元
文

東風桂影低拂姮娥鏡鏡裏妝寒酥粉瑩越恁
十分端正 素光行處隨人柳邊照見青春一
片笙簫何處花陰定有遺簪

又 春蘭用
味老韵

曲房青銷淺笑櫻桃破睡起三竿紅日過冷了
沉香殘火 東風偏管伊家剝教那與穠華誰
送一懷春思玉臺燕拂菱花

又 逆買狂老盛德常還都時飲
官酒於東京二君許後過此

杏花時候庭下雙梅瘦天上流霞凝碧袖起舞

與君爲壽 兩橋風月同來東堂且沒塵埃煙
芳菲滿眼 明年春色重來東堂花爲誰開我

艇何時重理更憑風月相催

又 春夜

蘭堂燈地春入流蘇夜衣褪輕紅聞水麝雲重
錦屏夜夜繡被黑蘭麝帳倦芙蓉長不下垂盡

寶釵未卸 知君不奈情何時時慢轉橫波一
銀臺蠟地 臉痕微著流霞膳騰越恁樓華破

餉花柔柳困枕前特地春多

又 與諸君小酌漸

風搖地燼吹下桃花影醉倒碧鋪眠碎錦誰伴
金馬空故事方朔謾多端三千牘在玉殿何日

香迷酒凝 少年不解辜春年來減盡春心猶
賜清閒難戀長安鐘漏誰借青雲咳唾拂袖且

下繡簾遮定不教風雨侵凌

又

桃夭杏好似箇人人好淡抹胭脂眉不掃笑裏
饒先手睡盡草頭秋露掩鼻出東山且飽鯨魚

知春占了 此情沒箇人知燈前仔細看伊恰
贈風月過江南

似雲屏半醉不言不語多時

又 春曉興

孟深莫厭強看桃花面記約陽和初一線便恁

諸君飲

又

在蘆花深處釣磯雨綠梅苔

睡半殘妝粉月隨雪到梅花

水調歌頭 魏陸鼎法

曹咏作

東還笑段長纓使復轉出秦關 吾道在雖不

遇面何慙雅陽年少高論難與絳侯談富貴

饒先手睡盡草頭秋露掩鼻出東山且飽鯨魚

贈風月過江南

謝安涵雅壘叔夜賦剛腸清宵假寐應笑長孺

臥淮陽盡徹東平屏障不廢南樓談詠宴寢自

又 晉書州刺史堂呈

謝安涵雅壘叔夜賦剛腸清宵假寐應笑長孺

臥淮陽盡徹東平屏障不廢南樓談詠宴寢自

凝香庭下一盃土須避赤帷裳 雙石健舍古

色照新堂百年喬木陰下僵立兩蛟蒼目送千

山爽氣簾卷一城風月杖屨合彷彿他日峨眉

秀相望隔明光 孫登應事前古家得雙石因以爲堂各石上有蒼人題識云壘

峨眉山下文會堂前

又 元會曲

九金增宋重八玉變秦餘 上手詔在延云六重之由尚通秦舊

年清浸先淨河洛出圖書一段昇平光景不但

五星循軌萬點共連珠 崇寧大觀之間太史叔奉五星循軌架星類類

佩冷雲衢芝房雅奏儀鳳橋首聽笙竿天近黃

麾仗曉春早紅鸞扇暎遲日上金鋪萬歲南山

色不老對唐虞

小重山 宴太守張公內翰作

碧瓦未覺紫翠深玻璃屏帳裏錦爲城子胥英

爽海濤橫玉堂人於此勸春併 五月政當成

巖廊將去路肯畱行江山雄勝爲公傾公惜醉

風月若爲情

又 立春日欲雲

誰勸東風鵬裏來不知天待雪惱江梅東郊寒

色尚徘徊雙彩燕飛傷鬢雲堆 玉冷曉妝臺

宜春金縷字拂香腮紅羅先繡踏青鞵春猶淺

花信更須催

又 春雪小醉

門外東風糝玉塵曲房花氣藹博山春小槽珠

滴桂椒芬臘梅蕊誰共醉中聞 睡起靜無人

曲屏橫遠翠錦爲隣十年舊事夢如新紅凝枕

猶暎楚峰雲

又 家人生日

鷓鴣舞青青雪裏松氷開龜在藻綠蒙茸一成不

記葦珠宮蟠桃熟應待幾東風 玉酒紫金鍾

非煙羅幕映寶黑穠贈君春色鳴寒中君畱取

長伴臉邊紅

踏莎行

陳與宗夜集
押受艷出暮

天質嬋娟救光蕩漾御酥做出花模樣天桃繁
杏本妖妍文鴛彩鳳能偎傍艾綠濃香鵝黃
新釀綠雲清切歌聲上夜寒不近繡芙蓉醉中
祇覺春相向

又

會真園初
見梅花

映竹幽妍臨池娟靚芳苞先暎香初娠南枝微
弄雪精神束君早寄春音信奔月仙標乘煙
遠韻玉臺粉點和酥凝從來清瘦可禁寒為誰
早把霞衣褪

又

臘

粟玉玲瓏雍酥浮動芳姿染得胭脂重風前蘭
麝作香寒枝頭煙雪和春凍蜂翅初開蜜房
香弄佳人寒睡愁如夢鵝黃衫子茜羅裙風流
不與江梅共

又 正月五日定
空寺觀梅

景泮水簷情回瑤草副能守得春來到管曾獨
自索春憐而今覩著東風笑粉凝酥寒雲房
睡覺胭脂也不添些小天真要與此花爭是伊
占得春多少

又

撥雪尋春燒燈續晝暗香院落梅開後無端夜
色欲遮春天教月上官橋柳花市無塵朱門
如繡嬌雲瑞霧籠星斗沉香火冷小妝殘半衾
輕夢濃如酒

又 早春
即事

暗影紅遲柳苞黃遍纖雲弄日陰晴半重簾不
捲篆香橫小花初破春叢淺鳳繡猶重鴨爐
長暎屏山翠入江南遠醉輕夢短枕閒欹綠窗
寫宛風光轉

又 思佳
事

芳氣霏微薄衣料峭何人正倚桃花笑流紅不出武陵溪這回空與春風到樽俎全稀風情

終較安仁老也誰知道碧雲無信失秦樓舊時

明月猶相照

又中秋
詠月

碧樹陰圓綠堦露滿金波漱灑堆瑤盞行雲會

事不飛來長空一片瑠璃淺玉燕釵寒藕絲

袖冷只應未倚闌干遍隨人全不似嬋娟桂花

影裏年年見

玉樓春
戊寅重陽病中不飲惟前
小雲團一盃薦以菊蕊

西風吹冷沉香篆門掩小窗紅藥院臥看黃菊

送重陽露重煙寒花未徧衰翁病怯疏晴簾

日日愁侵霜鬢短一盃菊葉小雲團滿眼蕭蕭

松竹晚

又
僕前年當重七微寒不飲但撥舞葉煎
水雲團用酌節物感作短句以消苦飲
述去年曾登山高會今年客東都休遊
旅主人舍無游從不復出門不知時節

之變或云今日重九起坐空庭月下復
取空開酌一至蓋用僕故事以述佳節
又作倚茶一
自注和韻

泥銀四壁盤螭篆明月一庭秋滿院不知陶菊

總開無但見杜苔新雨徧去年醉倒雲爲簾

未盡百壺驚日短小雲今夜伴半愁好在鳳皇

春未晚

又
贈孫宗
公業

三衢太守文章伯七月政成如戲劇坐中咳唾

落珠璣筆下神明飛霹靂才高莫恨溪山窄

且與燕公添秀發風流前輩漸無多好在魏公

門下客

又
已別歲
九月

一年滴盡蓮花漏碧井醱酥沉凍酒曉寒料峭

尚欺人春態苗條先到柳佳人重勸千長壽

柏葉椒花芬翠袖醉鄉深處少相知秣與東君

偏故舊

又定空寺
賞梅

蓋珠宮裏三千女滴粉爲春塵不住月華冷處
欲迎人七里香風生滿路 一枝誰寄長安去
想得韶光能幾許醉翁滿眼玉玲瓏直到煙空

一春花事今宵了點檢落紅都已少阿誰追路
問東君祇有青青河畔草 尊前不信韶華老
酒意韶光相借好簷前暮雨亦多情未做朝雲
容易曉

雲盡處

又

又立春
日

小園半夜東風轉吹皺冰池雲母面曉披闥闥
見朝陽知向碧堦添幾線 小煙弄柳晴先暖
殘雪禁梅香尚淺慙勤洗拂舊東君多少韶華

今朝何以爲公壽極貴長年公素有庭階不之
長芝蘭少翁又是廷臣右 三能聚聚依魁秀
八柱巍巍蟠地厚皇家卜冊萬斯年年光長轉
洪鈞手

聊借看

又

又至肝
胎作

長安回首空雲霧春夢覺來無覓處冷煙寒雨
又黃昏數盡一堤楊柳樹 楚山照眼青無數
淮口潮生催曉渡西風吹面立蒼茫欲寄此情

我公兩器兼文武談笑巖廊無治古紅顏綠髮
已官高赤烏繡裳今仲父 我欲形容無妙語
頌穆清風須吉甫望公聊比泰山雲歲歲年年
天下雨

無雁去

又

又三月三日
雨夜勝客

壓玉爲漿麟作高珠樹瓊葩長不謝翠簾繡暎

燕婦來寶鴨花香蜂上下 沙堤珮馬催公駕
月白風清天不夜重來赫赫照崑邱不動堂堂
凝太華

又紅梅

當日嶺頭相見處玉骨冰肌元淡素近來因甚
要穠粧不管滿城桃杏妬 酒暈臉霞春暗度
認是東君偏管顧口生羅口口口羞香冷燠燠
都不覷

山花子

天雨新晴採使君真容雙
石堂遺宮奴試小龍茶

日照門前千萬峯晴飈先掃凍雲空誰作素濤
翻玉手小團龍 定國精明過少壯次公頽碎
本雍容聽訟陰中苔自綠舞衣紅

又

冬至日天氣晏溫從使君步三巖石室
北望山中數重因開窻倚日適二柳當
前使君命伐之覆
然遂得梁山之妙

日轉堂陰一線添使君和氣作春妍祇有北山
輕帶雪見豐年 殘月夜來收不盡行雲早起

更畱連急剪垂楊迎秀色到窗前

又吳興僧舍竹下
與王明之飲

雨色留香繞坐中映堦疎竹一叢叢不奈晚來
蕭瑟意子猷風 歛澗滿傾金鑿落淋漓從溼
繡芙蓉吸盡百川天上去看長虹

南歌子

正月二十八日
定空寺賞梅

茸叢寒依樹嬌雲冷傷人江南誰寄一枝春何
似龍聰十里更無塵 雨蓼胭脂淡香鬢螺子
輕碧山歸路小橋橫誰見暗香今夜月朧明

又東堂上酌
賦秋月

庭下新生月憑君把酒看不須直待素團圓恰
似那人眉樣秀彎環 冷射鴛鴦瓦清欺翡翠
簾數枝煙竹小橋寒漸見風吹疎影過闌干

又席上和潘
字李師文

綠暗藏城市清香撲酒尊淡煙疎雨冷黃昏零
落除釀花片損春痕 潤入笙簫賦春餘笑語

溫更深不鎖醉鄉門先遣歌聲畱住欲端雲

臨江仙 宿僧舍

古寺長廊清夜美風松煙檜蕭然石闌干外上
疎簾過雲開窈窕斜月靜嬋娟 獨自徘徊無
個事瑤琴試奏流泉曲終誰見枕琴眠香殘此
尾細燈燼玉蟲偏

又 客有逢故人者代書其情

莫恨那回容易別不妨久遠情腸為人畱下舊
風光花枝長自好馥馥十年香 便是日時簾
外月却來小檻低窗朦朧影裏淡梳妝相看如
夢寐回首乍思量

又 都城元夕

聞道長安燈夜好雕輪寶馬如雲蓬萊清淺對
觚稜玉皇開碧落銀界失黃昏 誰見江南顛
顛客端憂嬾步芳塵小屏風畔冷香凝酒濃春
入夢窗破月尋人

剔銀燈 同公素賦備歌者以七急拍七拜勸酒

簾下風光自足春忽到席間屏曲瑤甕酥融羽
觴蟻鬧花映鄴湖寒綠泪羅愁獨又何似紅圓
翠簇 聚散悲歡箭速不易一盃相屬頻剔銀
燈別聽牙板尚有龍膏堪續羅黥繡馥錦瑟畔
低迷醉玉

武陵春

維嶽分公英特氣方丈拂長虹丙魏蕭曹總下
風千載友夔龍 寶璽裊翠昏簾繡嘉頌珮紳
同不用黃精掃鬢中元是黑頭翁

又

迎得春來聞好語賀燕立簾鈎轉蕙風光柳弄
柔喜氣與春游 萬錢珍鼎期公飯天自壽畱
侯文物昇平速置郵江左屬風流 王僧云江左風流宰相唯
有謝女

又

銀浦流雲初度月空碧掛團團照夜珠胎貝闕
寒光彩滿長安 春風爲拂新沙路珂馬欵天
關篆印金窠紅屈盤鬼鷄押千官

又 正月二日天寒欲雪使君置酒
作樂賓客插花劇飲明日當立春

城上落梅風料峭寒飈逼清尊爽與天教屬使
君雪意歷歌雲 挿帽殷羅金縷細燕燕早隨
人畱取笙歌直到明蓮漏已催春

又 正月十四夜使君席
上觀雪繼而月復明

風過水簷環珮響宿霧在華茵騰落瑤花襯月
明嫌怕有纖塵 鳳口街燈金炫轉人醉覺寒
輕但得清光解照人不負五更春

又 正月七日成
節雪齋立春

春在前村梅雪裏一夜到千門玉珮瓊瑤下冷
雲銀界見東君 桃花髻暖雙飛燕金字巧宜
春寂寞溪橋柳弄晴老也探花人

秦樓月
月下觀花

薔薇折一懷秀影花和月花和月著人濃似粉
香酥色 綠陰垂幕簾波疊微風過竹涼吹髮
涼吹髮無人分付這些時節

訴衷情 三月八日仲存席
上見吳家歌舞

花陰柳影映簾櫳羅幕繡重重行雲自隨語燕
回雪趁鷺鴻 銀字歇玉盃空蕙煙中桃花髻
暎杏葉眉彎一片春風

又 七
夕

短疎繁綠象床低玉鴨度香遲微雲淡暑河漢
涼過碧梧枝 秋約起月陰移下簾時人間天
上一樣風光我與君知

減字木蘭花 正月十七日孫守約觀燈
是夕燈火甚盛而雪霽雨作

曉風吹雪洗盡碧階今夜月試覓雲英更就藍
橋惜月明 從教不借自有使君家不夜誰道
由天光景隨人特地妍

又 留買
松老

會教風月催促花邊煙棹發不管花開月白風

清始肯來 既來且住風月閒尋秋好處收取

淒清暝日闌干助夢吟

秋老晏十
當作詩

又 李家有
歌人

小橋秀絕露溼芙蓉花上月月下人人花樣精

神月樣清 誰言見慣到了司空情不慢丞相

嗔無若不嗔時醉倩扶

惜分飛 富陽六寺
秋夕望月

山轉沙回江聲小望盡冷煙衰草夢斷瑤臺曉

楚雲何處英英好 古寺黃昏人悄悄簾卷寒

堂月到不會思量了素光看盡桐陰少

又 富陽會許別
語難收曉芳

淚溼關干花著露愁到眉峯碧聚此恨平分取

更無言語空相覷 短雨殘雲無意緒寂寞朝

朝算算今夜山深處斷魂分付潮回去

又 加家愛堂其商有
金客投之不至

花影低徊簾幕捲慣了雙來燕燕驚散離闌晚

雨昏煙重垂楊院 雲斲月斜紅燭短望斷真

個望斷情寄梅花點點赴風吹過樓南畔

又

恰則心頭托托地放下了日多縈係別恨還容

易袖痕猶有年時淚 滿滿傾斟乞求醉且要

時間忘記明日劉郎起馬蹄去便三千里

蝶戀花 聽周生
鼓琵琶

聞說君家傳窈窕秀色天真更奪丹青妙細意

端相都總好春愁春媚生幫笑 瓊玉胸前金

鳳小那事殷勤總託琵琶道十二峯雲遮醉倒

華燈翠帳花相照

又 秋晚東曙番吳會
甚久無一人往還

江接寒溪家已近想見秋來松菊荒三徑自送

吳山秋色盡星星却入雙蓬鬢 兒短鶴長真

個定勛業未遲不用頻看鏡嬾出問人人不問

綠尊倒盡橫書枕

又 戊寅秋寒
秀亭觀梅

相見江南情不少爾許多時怪得無消耗
淡日暎雲勾引到闌干寂寞伶春小
宮面可憐勻面了粉瘦酥寒一段天真好喚起玉兒嬌睡覺
半山殘月南枝曉

又 寒食

紅杏梢頭寒食雨燕子泥新不住飛來去行傍
柳陰聞好語鶯兒穿過黃金樓
桑落酒寒盃懶舉總被多情做得無情緒
春過二分能幾許未須忙遣韶華暮

又 東堂下牡丹僕所
栽者清明後見花

三疊闌干鋪碧甃小雨新晴纔過清明後初見
花王披袞繡嬌雲瑞日明春晝
彩女朝真天質秀寶髻微偏風捲霞衣皺
莫道東君情最厚韶光半在東堂手

又 春夜不寐

紅影斑斑吹錦片露葉煙梢寒月娟娟滿更起
遠庭行百遍無人祇有棲鶯見
覓個薄情心對換愁緒偏長不信春宵短
正是碧雲音信斷半衾猶賴熏熏暖

又 席上和孫使君
孫尊春當受代

城上春雲低閣雨漸覺春隨一片花飛去素蘋
圓吮鶯燕語不妨緩緩歌金縷
墮紀賴綱公已舉但見清風蕭瑟隨
談緒借冠假饒天不許未須忙遣韶華暮

又 送茶

花裏傳觴飛羽過漸覺金樽月缺圓
龍破素手轉羅酥作顰鵝溪雪
絹雲映墮七盞能醒千日臥扶起
瑤山嫌怕香塵浣醉色輕鬆
畱不可清風停待些時過

又 敬枕

不雨不晴秋氣味酒病秋懷不做醒鬆地初換

西江月 次韻孫使君賞花見寄時僕武康待次

夾衣圍翠被薔薇水潤衙香賦 旋折秋英餐

花下春藏五馬松間風落雙鳧兵厨玉帳捲鄴

露盡金縷虬團更試康王水幽夢不來尋小睡

湖人醉碧雲欲算 歸去聊登文石翱翔便是

無言劃畫屏山翠

天衢雅歌誰解繼投壺桃李無言滿路

更漏子 與香

又 蘇圃小酌

玉後猊金葉暎釀香雲不斷長下著繡簾重

煙雨半藏楊柳風光初到桃花玉人細細酌流

怕隨花信風 傷薔薇掃露點衣潤得香長遠

霞醉裏將春畱下 柳畔鴛鴦伴花邊蝴蝶

雙枕鳳一衾鸞柳煙花霧間

為家醉翁醉裏也隨他月在柳橋花榭

又 初秋雨後聞鶉唳

又 長安秋夜與諸君飲分題作

綠窗寒清漏短帳底沉香火燠殘燭暗小屏彎

雨後夾衣初冷霜前細菊渾班孤稜清月繡團

雲峯遮夢還 那些愁推不去分付一簷寒雨

環萬里長安秋晚 槽下內家玉滴盤中江國

簷外竹試秋聲空庭鶴喚人

金丸春容著面作微殷燭影紅搖醉眼

又 和孫公素泥母觀競渡

又 集茶詞

柀藏煙雲漏日寒滿雕盤玉食風卷旆水遙天

席上芙蓉待煖花間驥裏還嘶勸君不醉且無

魚龍挾彩舫 水遠人波面樂太守與民同樂

歸婦去誰人惜醉 湯點餅心未洗乳堆盞面

春好處總隨軒花中誰狀元 京妓以色勝黃鶯狀元紅

初肥畱連能得幾多時兩腋清風喚起

青玉案

新涼

芙蓉花上濛濛雨又冷落池塘真何處風來搖
兒畔含羞和恨轉添凝眄花映春風面 相思
碧戶捲簾凝望淡煙疎柳翡翠穿花去 玉京
人去無由駐恁獨坐凭闌處試問綠窗秋到否
長遠不必清光夜夜見但莫負團圓願
今宵月好來同看月未落入還散把手雷連簾

又竹間
賦作

玉嬰初有排雲分向晚色娟娟靜秋入風枝清
不盡月和粉露徘徊孤映獨夜扶疎影 子猷
風調全相稱是彼此無凡韻玉勒前頭花柳近
池上小寒欲霧竹暗小窗低戶數點秋聲來侵
水邊石上冷依煙雨時有幽人問
短夢簷下芭蕉雨 白酒浮蛆雞喙黍問陶令

又巖贈
醉妓

玉人爲我殷勤醉向醉裏添姿媚偏著冠兒釵
幾時歸去溪月嶺雲蘋汀蓼岸總是思唄處
欲墜桃花氣暝露濃煙重不自禁春意 綠榆
紅摧綠剝鬢愁蝶怨滿院落花風絮醉鄉好夢
陰下東行水漸漸近淒涼地明月侵床愁不睡
恰惜騰又冷落一成吹醒 柔紅不耐暗香猶
眉兒吃皺爲誰無語閣住陽關淚
好觀著翻成不忍春心減盡眼長閒更肯被游

又

鵲橋仙
春院

雨中花
下注
月夜

又武康秋
雨池上

絲牽引

又燭下
看花

水精簾外沉香闌畔新下紅油西幕百花何處

避芳塵便獨自將春占却 月華淡淡夜寒森

森猶把紅燈照著醉時從醉不歸家賢守定不

教冷落

點絳脣 月波疎 中秋作

高柳橫斜冷光凌亂搖疎翠露荷珠綴照見鴛

鴦睡 □□□□□□□□□□□□□□□□□□

□□□□□□□□

又家人
生日

柏葉春醪為君釀酌玻璃盞玉簫子管人意如

春喚 髮綠長留不使韶華晚春無限碧桃花

畔笑看蓬萊淺

又月波樓
重九作

手撫歸鴻坐臨煙雨簾旌潤氣清天近雲日溫

欄楯 壓玉浮金一醉留青鬢風光勝淡粧人
貌眉黛生秋暈

又家人
生日

何處君家蟠桃花下瑤池畔日遲煙煥日得春

長遠 幾見花開一任年光換今年見明年重

見春色如人面

又武都靜林寺妙峯亭席上
作假山前引水激起數丈

秀嶺寒青冷泉凌亂催秋意珮環聲裏無限真

珠碎 難我平生識盡聞滋味來閒地為君一

醉萬事溪雲外

又醉中記遊一
處復尋不果

小院重簾那回來處花相向遲遲一餉記得春

模樣 昨夜月明應照芙蓉帳空凝望蜂勞蝶

攘誰在花枝上

又惠山夜月照鼓琴
者時作流水弄

繡嶺橫秋玉螭吹暑迎涼氣碧崖流水流入春

蔥指 半倚朱絃微舞連環珥通深意月明風
細分付知音耳

如夢令

深苑重調絃管不覺銀臺燭短相對有金波天
畔樓中都滿人遠人遠醉倚闌干玉冷

生查子

豎高
講詞

鱸蟹正肥時煙雨新涼日露晞金黃雲波浦
菊碧 此日古為佳此醉君寧惜高挂水晶簾
盡放秋光入

又

春

日照小窗紗風動重簾繡寶柱算雲迷曲沼晴
漪縹 煙暖柳醒鬆雪盡梅清瘦恰是可怜時
好似花穠後

又

釵上燕猶寒勝裏紅偏小恰有爾多春不許羣
花笑 酒面粉酥融香袖金泥罩芳意已潛通

殘雲猶相照

又

富陽
道中

春晚出山城落日行江岸人不共潮來香亦臨
風散 花謝小粧殘鬢困清歌斷行雨夢魂消
飛絮心情亂

又

花地錦斑殘月箔波凌亂關鴨玉闌俯撲獸金
爐畔 小醉奈春何輕夢催雲散却步蔥蘭中
應被鴛鴦見

浪淘沙

生

深院繡簾垂前日春歸西橋楊柳弄煙霏池面
東風先解凍龜上漣漪 酒歛玉東西香暝後
覩遠山鬱秀入雙眉待看碧桃花爛熳春日遲

菩薩蠻

大詩
送別

玉卮細酌流霞溼金釵翠袖勤甯客行色小梅

殘官橋楊柳寒 賜環宣室夜看落金蓮
他人記海南康流風秀水傍

又代

端端正正人如月 孜孜媚媚花如頰
花月不如春潮曾送離魂去
春山曾見傷離處
老去不堪人
眉眉眼眼青
沉香添小炷
共挹熏爐語
香解著人衣
君心蝴蝶飛

又定空

含章簷下眉如月 擁酥和粉描疎雪
桃杏莫爭春
凌風臺畔人
如今千萬樹
零亂孤村雨
和雨滴瑤觴
端來肌骨香

又重陽

淡煙疎雨東籬曉 菊團凄露真珠小
青蔬挹寒枝
因誰特故遲
曾是騷人
聊羞做菜
更伴揉破鬱金黃
與君些子香

又

溪山不盡知多少 遙峯秀疊寒波渺
攜酒上高

臺與君開壯懷 枉做悲秋賦
醉後悲何處
白髮幾黃花
官裘付酒家

又富陽道中

春潮曾送離魂去 春山曾見傷離處
老去不堪人
愁凭闌看水流
東風畱不住
一夜檐前雨
日覓春痕紅
疎桃杏村

又新城山中雨

雲山心綠殘 眉淺垂楊暝
起腰肢
軟不見玉粧
臺飛花將恨來
行雲何事惡
雨透羅衣薄
不恐溼殘春
黃鸝啼向人

又贈舞

當時學舞鈞天部 驚鴻吹下江湖去
家住百花橋
何郎偏與嬌
杏梁塵拂面
牙板聞鶯燕
勸客玉梨花
月侵釵燕斜

漁家傲

戊寅冬以病告臥
潛玉時時策杖
寒秀亭下作漁家傲三首
年少莫尋潛玉老
無才無藝煩君笑
喚過茆檐

霜日曉休起早竹間盡日無人到 別選小峯
孤碧峭曲溝淺浸寒清遠此老相看情不少渾
忘了渾然忘了長安道

又

恰則小菴貪睡著不知風撼梅花落一點兒春
吹去却香約略黃蜂猶抱紅酥萼 遶遍寒枝
添索寞却穿竹徑隨孤鶴守定微官真箇錯從
今莫從今莫負雲山約

又

鬢底青春畱不佳功名薄似風前絮何似變頭
春沒數都占取祗消一紙長門賦 寒日半窗
桑柘算倚闌目送繁雲去却欲載書尋舊路煙
深處杏花萼葉耕春雨

阮郎歸

寄

映階芳草淨無塵新晴隔柳陰綠絲步帳碧茸
茵遮藏欲盡春 □□□□□□□□□□□□□□

又

雨餘煙草弄春柔芳郊翠欲流煥風時轉柳花
毵精光爛不收 紅盡處綠新稠穠華只暫畱
却應畱下等閒愁令人雙鬢秋

絳都春

太師
生辰

餘寒尚峭早鳳沼凍開芝田春到茂對誕期天
與公春向廊廟元功開物爭春妙付與穠華多
少召還和氣拂開霽色未妨談笑 縹緲五雲
亂處種影菰向熟碧桃猶小雨露在門光彩充
闕烏亦好寶熏鬱霧城南道天錫公任安危二
十四考

天香

莫發博太守
內翰張公作

進止詳華文章爾雅金鑿恩異羣顏塵斷銀臺
天低盤禁最是玉皇香案燕公視草星斗動昭
回雲漢對罷宵分又金蓮燭引歸院 年來儂

藩江畔賴湖山慰公心眼碧瓦千家僭袴襦餘
暝黃氣珠庭漸滿望紅日長安殊不遠緩辮端
門青春未晚

滿庭芳

夏 曲

爍石炎曦迷雲急雨院落槐午陰清藕花開遍
綠細一池萍槽下真珠瀟瀟龍團破河朔餘醒
欄干外梧桐葉底金井曉蟬聲 盈盈開霧帳
珊瑚連枕雲母圍屏對肌膚水雪自有涼生翠
袖風回画扇拂香篆虬尾斜橫北窗晚娟娟靜
色竹影上簾旌

又

西園月 使賞花

馬絡青絲幃開紅錦小晴初斷香塵芳醪持燭
別有箇佳人飛蓋西園午夜花情冷雲月虛明
應還惜畱花伴月占定可憐春 佳人爭插帽
已殘芳樹猶綴餘英任紅辭香散蝶恨蜂嗔醉
也和春戴去深院落初釀爐熏玉臺畔未教却

了畱映晚妝新

八節長歡

送孫守 公去

名滿人間記黃金殿舊賜清閑才高鸚鵡賦風
凜惠文冠濤波何處試蛟鱈到白頭猶守溪山
且做龔黃樣度畱與人看 桃溪柳曲陰圓離
唱斷旌旗却捲春還襦袴寄餘溫雙石畔唯聞
吏瞻長寒詩翁去誰細遮屈曲闌干從今後南
來幽夢應隨月渡雲湍

又

送高 詞

澤國秋深繡楹天近坐久魂清溪山遠樽酒雲
霧浥衣襟餘霞孤雁送鄉愁寄寒閨一點離心
杜老兩峯秀處短髮疎巾 佳人為折寒英羅
袖溼真珠露冷鈿金幽豔為誰妍東籬下却教
醉倒淵明君但飲莫觀他落日蕪城從教夜龍
山清月端的便解畱人

驀山溪

東堂武康縣令會靈心堂也實效 名東堂詩予出世越人王慶所傳自

吳興刺史府與五縣令舍無得與東堂
爭廣麗者去年僕來見其突元出翳蒼
間而菌生梁上鼠走戶內東西兩便室
蛛網粘塵蒙絳窗戶守舍無有大大僕
聲姑以告云前大夫憂民勞苦眠飯于
簿書獄訟間是堂也向十餘間傾燒于
萬艾中鶻嘯其上經經其下磨鍊澤芥
以十夫日往刈之經可入欲以居人則
有覆壓之患取以為薪則又可憐試擇
其蟻蟻之全加以芥斤乃能為亭二為
菴為齋為樓各一雖平陸僅可容膝然
清泉修竹便有遠韻又伐慈木十許根
而好山不約自至矣乃以生蓮名樓西
榜名齋潛玉名菴寒秀陽春名亭花名
塢蝶名徑而疊石為漁磯編竹為鶴巢
皆在井池上獨陽春西窗高山最多又
有餘醪一架僕頃少時喜筆視淺事徒
能誦古人紙上語未嘗與天下史師辭
以故邑人甚惡其令不以奇狂直雖有
疾苦曾不以告也庭院蕭然鳥雀相呼
僕乃得饒食晏眠無所用心于東堂之
上戲作長短句一首托其聲于舊山溪
云

東堂先曉簾挂扶桑暝画舫寄江湖倚小樓心

隨望遠水邊竹畔石瘦蘚花寒秀陰遮潛玉夢

鶴下漁磯晚 藏花小塢蝶徑深深見彩筆賦

陽春看藻思飄飄雲半煙拖山翠和月冷西窗

玻璃盞蒲萄酒旋落餘醪片

又上元詞

蟬娟不老依舊東風面華燭下珠鞦盛寒裏春
光一片不教算景也似每常來水精宮銀色界
今夜分明見 碧街如水人影花凌亂誰在柳
陰中小妝寒落梅數點詩翁獨倚十二玉闌干
露濛濛雲冉冉千嶂琉璃淺

又元夕詞

梅花初謝雪後寒微峭誰送一城春綺羅香風
光窈窕插花走馬天近寶鞭寒金波上玉輪邊
不是紅塵道 玻璃山畔夜色無由到深下水
晶簾擁農粧鉛華相照珠樓紗人月兩嬋娟
尊前月月中人相見年年好

又楊花

雲空壇徑撲撲飛絮柔弱不勝春任東風吹
來吹去牆陰花外一片落誰家葉依依煙鬱鬱

依舊如張緒 那人拈得吹向釵頭住不定却
飛揚滿眼前攪人情悽蜂兒蝶子教得越輕狂
隔斜陽點芳草斷送青春弄

洞仙歌

中秋

綠煙深處碧海飛金鏡午夜玉階臥桂影相看
露涼時零落瓊漿神京遠唯有藍橋最近 水
精簾不下雲母屏開冷射佳人淡脂粉便總把
許多明付與清尊投曉笑流霞傾盡更移取胡
床上南樓看玉做人間素秋千頃

遍地花

孫守席上
詠牡丹

白玉欄邊自凝佇滿枝頭新彩雲離霧甚芳菲
繡得成團砌合出韶華好處 暝風前一笑盈
盈吐檀心向誰分付莫與他西子精神不枉了

東君雨露

夜遊宮

僕養一鶯逸去因問時以屬鄭德
儒家今縣齋新作陽春亭新見迺

山數峯因德偶歸以此語
鶴便知僕居此不落窠也

長記勞君送遠柳煙重桃花波暝花外溪城望
不見古槐邊故人稀秋鬢晚 我有凌霄伴在
何處山寒雲亂何不隨君弄清淺見伊時話陽
春山數點

醉花陰

檀板一聲鶯起速山影穿疎木人在翠陰中欲
覓殘春春在屏風曲 勸君對客盃須覆燈照
瀛洲綠西去玉堂深魄冷魂清獨引金蓮燭

又

金葉猶溫香未歇塵定歌初徹暝透薄羅衣一
霎清風人映團團月 持盃試聽雷春闕此箇
情腸別分付與鶯鷺勸取東君停待芳菲節

上林春令

十一月三
十日見雪

蝴蝶初翻簾繡萬玉女齊回舞袖落花飛絮濛
濛長憶著灞橋別後 濃香斗帳自永漏任滿
地月深雲厚夜寒不近流蘇祇憐他後庭梅瘦

帶人嬌

雪做屏風花爲行帳
悵裏見春模樣
小晴未了輕陰
一餉酒到處恰如把春拈上
官柳黃輕河堤綠漲
花多處少停蘭槳
雪邊花際平蕪疊嶂
這一段淒涼爲誰悵望

又約婦期偶參
差戲作寄內

短棹猶停寸心先往
說婦期喚做的當夕陽下
地重城遠樣風露冷
高樓誤伊等望
今夜孤村月明
怎向依還是夢回繡幌
還山想像秋波蕩漾
明夜裏與伊画著眉上

河滿子

夏曲

急雨初收珠點雲峰
曉絕天半曉轆金井
卷紺冽簾外翠陰遮
遍波翻水精重簾秋
在瑠璃雙簾漏永
流花緩緩未放崦嵫
晚紅荷綠芝算天好
小宴水亭風館雲亂
香噴寶鴨月冷釵橫
玉燕

七娘子

舟中早秋

山屏霧帳玲瓏碧
更綺窗臨水新涼入
雨短煙長柳橋蕭瑟
這番一日涼一日
離多綠鬢多時白
這離情不似而今
惜雲外長安斜暉
脉脉西風吹夢來
無跡

又和賀方回
登月波樓

月光波影寒相向
偕團團與做長壕樣
此老南樓風流可想
殷勤水彩隨人上
欲同次道傾家釀
有兵厨玉盞金波漲
雲外婦鴻煙中飛
槳五湖秋興心無往

夜行船

雨夜泊吳江明日過垂虹亭

寒滿一衾誰共
夜沈沈醉魂朦鬆
雨呼煙喚付淒涼
又不成那些好夢
忽明日煙江
瞑矇扁舟係一行
蝦蟇季膺生事
水瀾漫過鱸船
再三目送

又餘英蕊
沉舟

弄水餘英谿畔綺羅香日遲風慢桃花春浸一

篙深画橋東柳低煙遠漲綠流紅空滿眼倚

蘭橈舊愁無限莫把鴛鴦驚飛去要歌時少低

檀板

燭影搖紅 松窗午
夢初覺

一畝清陰半天瀟灑松窗午牀頭秋色小屏山

碧長垂煙縷枕畔風搖綠戶喚人醒不敢夢

去可憐恰到瘦石寒泉冷雲出處

又 送會
宗

老景蕭條送君歸去添淒斷贈君明月滿前谿

直到西湖畔門掩綠苔應遍為黃花頻開醉

眼嬌奴無恙蝶子相迎寒窗日短 會宗小字名
夢蝶前植情

東偏
甚廣

又 端去
曲

鬢綠飄蕭漫郎已是青雲晚古槐陰外小欄干

不負看山眼此意悠悠無限有雲山知人醉

嬾他年尋我水邊月底一簑煙短

憶秦娥 冬夜宴
東堂

醉醉擊珊瑚碎花花先借春光與酒家夜

寒我醉誰扶我應抱瑤琴臥清清攬月吟風不

用人

又 二月二十三
夜松軒作

夜夜夜了花朝也連忙指點銀瓶索酒嘗明

朝花落知多少莫把殘紅掃愁人一片花飛滅

却春

于飛樂 和太守
曹子方

水邊山雲畔水新出煙林送秋來雙檜寒陰檜

堂寒香霧碧簾箔清深放衙隱几誰知共雲水

無心望西園飛蓋夜月到清樽為詩翁露冷

風清退紅裙去碧袖花草爭春勸翁強飲莫辜

負風月留人

又 代人作
別凌曲

記膾騰濃睡裏一片行雲未多時夢破雲鷺聽
鞭轡聲斷也井底銀瓶不如羅帶等閒便結得
同心 繫西船楊柳岸曉月亭亭記陽關斷韻
殘聲被西風吹玉枕酒魄還清有些言語獨自
個說與誰磨

又別贈蓮歌
妓姊妹

並梅兄雙蝶子煙縷衫輕鳳皇釵繚繞香雲淡
淡梳粧得恁雪膩酥勻揉春捻就更是他花與
精神 黛尖低桃萼破微笑輕翠早做成役夢
勞魂好風前佳月下莫忘行人扁舟去也沒箇
事多樣離情

虞美人 東園賞春見柳日
照杏花甚可愛

游人莫笑東園小莫問花多少一枝半朵惱人
腸無限姿姿媚媚倚斜陽 二分春去知何處
賴是無風雨更將繡幕密遮花任是東風急性
不由他

又

百花趕定東君去知與花何處陽春但更買花
栽畱住蜂兒蝶子等君來 翠輕綠嫩庭陰好
醉便眠芳草春波如酒不曾空誰見東堂日日
自春風

又官妓有名小
者坐中乞詞

柳枝却學腰肢最好似江東小春風吹綠上眉
峯秀色欲流不斷眼波融 簷前月上燈花墮
風遞餘香過小歡雲散已難收到處冷煙寒雨
為君愁

洛陽春 東陽代同
舟寄遠

月下風前花畔此情不淺欲畱風月守花枝却
不道而今遠 橋外鷺飛沙晚煙斜雨短青山
祇管一重重向東下遮人眼

散餘霞

牆頭花口寒猶禁放繡簾畫靜簾外時有蜂兒

趁楊花不定 欄干又還獨凭念翠低眉暈春
夢枉惱人腸更厭厭酒病

最高樓

後 嶽

微雨過深院 芰荷中香冉冉繡重玉人共倚
闌干角月華猶在小池東入人懷吹鬢影可憐
風 分散去輕如雲與夢剝下了許多風與月
侵枕簾冷簾櫳剛能小睡還驚覺略成輕醉早
醒鬆仗行雲將此恨到眉峰

又

春 恨

新睡起熏過繡羅衣梳洗了百般宜東風淡蕩
垂楊院一春心事有誰知苦畱人嬌不盡曲眉
低 謾良夜月圓空好意恐落花流水終寄恨
悲歡往往相隨風臺凝望雙雙羽高唐愁著夢
回時又爭如遵大路合逢伊

少年遊

長至日 席上作

遙山雪氣入疎簾羅幕曉寒添愛日騰波朝霞

入戶一線過水簷 綠尊香嫩蒲萄暖滿酌破
冬嚴庭下早梅已含芳意春近瘦枝南

粉蝶兒

雪徧梅花素老都莫奇絕到窗前認君時節下
重幃香篆冷蘭膏明滅夢悠揚空遠斷雲殘月
沈郎帶寬同心放開重結起羅衣楚腰一捻
活 正春風新著摸花花葉葉粉蝶兒這回共花同

調笑令

竊以綠雲之音不羞春燕結風之袖若
翻秋鴻勿謂花月之無情長寄綺羅之
遺恨試為調笑戲追風流少延重客之
餘歡聊發清樽之雅興

珠樹陰中翡翠兒莫論生小被雞欺鸛鵲樓
高蕩春息秋瓶聊碧雙琉璃曉御酥寫肌花作
骨燕釵橫玉雲堆髮使梁年少斷腸人凌波

襪冷重城月

城月冷羅襪郎睡不知鸞帳揭香淒翠被燈明
滅花困釵橫時節河橋楊柳催行色愁黛有人
描得

右崔徽

隼旗颯馬昌門西秦娘紺憶爲追隨河橋春
風弄鬢影桃花髻睽黃蜂飛繡茵錦薦承回
雪水犀梳斜抱明月銅駝夢斷江水長雲中
月墮寒香歇

香歇袂紅豔記立河橋花自折隼旗紺憶城西
闕教妾驚鴻回雪銅駝春夢空愁絕雲破碧江
流月

右秦娘

武寧節度客最賢後車攜藻爭春妍曲眉豐
頰亦能賦惠中秀外誰取憐花嬌葉困春相
逼燕子樓頭作寒食月明空照合懽床霓裳

罷舞猶無力

無力倚瑤瑟罷舞霓裳今幾日樓空雨小春寒
逼鈿暈羅衫煙色簾前歸燕看人立却趁落花
飛入

右昝昝

臨卽重客蜀相如被服客冷人閒都上宮煙
娥笑迎客繡犀六曲紅氍毹霞珠穿簾洞房
晚歌倚瑤琴半羞懶天寒日暮可奈何挂客
冠纓玉釵冷

釵冷鬢雲晚羅袖拂人花氣暎風流公子來應
遠半倚瑤琴羞懶雲寒日暮天微霰無處不堪
腸斷

右美人賦

寒雲夜捲霜倒飛一聲水調凝秋悲錦靴玉
帶舞回雪丞相筵前看柘枝河東詞客今何
地密寄軟綃三尺淚錦城春色隔瞿唐故棹

灼灼令願頽

願頽何郎地密寄軟綃三尺淚傳心語眼郎應
記翠袖猶芬仙桂願郎學做蝴蝶子去去來來

來時但芳草

芳草恨春老自是尋春來不早落花風起紅多
少記得一枝春小綠陰青子空相惱此恨平生

花裏

右灼灼

春風戶外花蕭蕭綠窗繡屏阿母嬌白玉郎
君恃恩力樽前心醉雙翠翹西廂月冷濛花
霧落霞零亂牆東樹此夜靈犀已暗通玉環
寄恨人何處

懷抱

右茗子

半天高閣倚晴江使君燕客羅紈香一聲離
鳳破凝碧洞房十三春未央□□□□□
□□□□□□□□□□□□□□
雲散空相望

何處長安路不記牆東花拂樹瑤琴理罷霓裳
譜依舊月窗風戶薄情年少如飛絮夢逐玉環
西去

相望楚江上縈水綠雲聞妙唱龍沙醉眼看花
浪正要風將月傍雲車瑤珮成惆悵衰柳白鬚
相響

右鸞鷲

右張好好

白蘋溪邊張水嬉紅蓮上客心在誰丹山鸞
雛雜鷗鷺算雲晚浪相透迤十年東風未應
老斗量明珠結里媪花房著子青春深朱輪

酒美從酒貴濯錦江邊花滿地鸛鷗換得文君
醉暎和一團春意怕將醒眼看浮世不換雲芽

破子

雪水

又

花好怕花老
曠日和風將養到
東君須願長年
少圖不看花草
草西園一點紅
猶小早被蜂兒
知道

遣隊

歌長漸落杏梁塵
舞罷香風捲繡綰
更擬綠雲
弄清切樽前恐有斷腸人

感皇恩

爾歲撫邦人曾無
恩意別後何人更
相記顯興
玉樹幄與蒹葭相
倚殷懃猶念我同
吟醉 画
舸相追孤城已閉
不道扁舟雲外住
夜分月冷
一段波平風細憶
君清興滿無由寄

又 蘇江
待開

綠水小河亭朱闌
碧甃江月娟娟上
高柳西樓
縹緲盡挂窗紗
簾繡月明知我意
來相就 銀

字吹笙金絡取酒小小微風弄襟袖寶黑濃炷
人共博山煙瘦露涼釵燕冷更深後

又 晚酌

多病酒樽疎飲少輒醉年少街盃可追記無多
酌我醉倒阿誰扶起滿懷明月冷爐煙細 雲
漠雖高風波無際何似歸來醉鄉裏玻璃紅上
滿載春光花氣蒲萄仙浪軟迷紅翠

澤民自敘少時喜筆硯次事後能補古人

紙上謔嘗知武康縣改畫心堂為東堂簿書

賦記之暇蘇福味自採托其聲于葛山溪

如園畫然凡詩文画簡樂府總名東堂集盛

行于世昔人謂以贈瓊芳一詞見賞東坡陪

占果介之郡古虞毛晉記

東堂詞 終

放翁詞

目錄

念奴嬌 一詞

浣溪沙 二詞

青玉案 一詞

水調歌頭 一詞

浪淘沙 一詞

定風波 一詞

南鄉子 二詞

滿江紅 二詞

感皇恩 二詞

好事近 十三詞

玉蝴蝶 一詞

鷓鴣天 八詞

驀山溪 二詞

玉樓春 一詞

朝中措 三詞

臨江仙 一詞

蝶戀花 四詞

釵頭鳳 一詞

清商怨 一詞

水龍吟 二詞

秋波媚 二詞

採桑子 一詞

卜算子 一詞

沁園春 三詞

秦樓月 一詞

漢宮春 二詞

月上海棠 二詞

烏夜啼 八詞

眞珠簾 二詞

柳梢青 二詞

夜遊宮 二詞

安公子 一詞

木蘭花慢 一詞

蘇武慢 一詞

齊天樂 二詞

望梅 一詞

洞庭春色 一詞

漁家傲 一詞

繡停針 一詞

桃源憶故人 五詞

極相思 一詞

一叢花 二詞

隔浦蓮近拍 二詞

昭君怨 一詞

雙頭蓮 二詞

南歌子 一詞

憶王孫 二詞

醉落魄 一詞

鵲橋仙 三詞

長相思 五詞

菩薩蠻 二詞

訴衷情 二詞

生查子 二詞

破陣子 二詞

上西樓 一詞

點絳脣 一詞

謝池春 三詞

洛陽春 二詞

杏花天 一詞

太平時 一詞

戀繡衾 二詞

風入松 一詞

風流子 一詞

放翁詞

宋 陸 游

念奴嬌

招韓无咎
遊金山

禁門鐘曉憶君來朝露初翔鸞鶴西府中臺推
獨步行對金蓮宮燭感繡華鸞僊葩寶帶看卽
飛騰速人生難料一尊此地相屬回首紫陌
青門西湖開院鎖千梢脩竹素壁樓鴉應好在
殘夢不堪重續歲月驚心功名看鏡短鬢無多
綠一歡休惜與君同醉浮玉

浣溪沙

和无咎
各韻

謾向寒爐醉玉瓶喚君同賞小牕明夕陽吹角
最關情 忙日苦多閒日少新愁常續舊愁生
客中無伴怕君行

又

南鄭
席上

浴罷華清第二湯紅綿撲粉玉肌涼娉婷初試
藕絲裳 鳳尺裁成猩血色螭奩熏透麝臍香

水亭幽處捧霞觴

青玉案

與朱景參
會北嶺

西風挾雨聲翻浪恰洗盡黃茆瘴老慣人間齊
得喪千巖高臥五湖歸棹替却凌煙像 故人
小駐平戎帳白羽腰間氣何壯我老漁樵君將
相小槽紅酒晚香丹荔記取蠻江上

水調歌頭

多景樓

江左占形勝最數古徐州連山如畫佳處縹渺
著危樓鼓角臨風悲壯烽火連空明滅往事憶
孫劉千里曜戈甲萬竈宿貔貅 露霑草風落
木歲方秋使君宏放談笑洗盡古今愁不見襄
陽登覽磨滅遊人無數遺恨黯難收叔子獨千
載名與漢江流

浪淘沙

丹陽浮玉
亭席上作

綠樹暗長亭幾把離尊陽關常恨不堪聞何況
今朝秋色裏身是行人 清淚溼羅巾各自消

魂一江離恨恰平分安得千尋橫鐵鎖截斷煙
津
萬事休

滿江紅

定風波 進賢道上見
梅贈王伯壽
欵帽垂鞭送客回小橋流水一枝梅衰病逢春
都不記誰謂幽香却解逐人來 安得身閒頻
置酒攜手與君看到十分開少壯相從今雪鬢
因甚流年羈恨兩相催

南鄉子

霖燈前滴

歸夢寄吳橋水驛江程去路長想見芳洲初繫

又 夔州催王伯禮
竹御尋梅之集

纜斜陽煙樹參差認武昌 愁鬢點新霜曾是
朝衣染御香重到故鄉交舊少淒涼却恐他鄉
勝故鄉

又

疎藥幽香禁不過晚寒愁絕那更是巴東江上
楚山千疊欵帽閒尋西瀼路鞞鞭笑向南枝說
恐使君歸去上鑿坡孤風月 清鏡裏悲華髮
山驛外溪橋側悽然回首處鳳皇城關顛顛如

早歲入皇州罇酒相逢盡勝流三十年來真一
夢堪愁客路蕭蕭兩鬢秋 蓬嶠偶重遊不待
人嘲我自羞看鏡倚樓俱已矣扁舟月笛煙蓑

今誰領略飄零已是無顏色問行厨何日喚賓
僚猶堪折
感皇恩 伯禮立春
日生日

春色到人間綵旛初戴正好春盤細生菜一般

日月只有僊家偏耐雪霜從點鬢朱顏在 溫

詔鼎來延英催對鳳閣鸞臺看除拜對衣裁穩

恰稱毬紋新帶箇時方旋了功名債

又

小閣倚秋空下臨江渚漠漠孤雲未成雨數聲

新雁回首杜陵何處壯心空萬里人誰許 黃

閣紫樞築壇開府莫怕功名欠人做如今熟計

只有故鄉歸路石帆山脚下菱三畝

好事近

寄張真甫

羈雁未成歸腸斷寶箏零落那更東膠無力似

故人情薄 漳雲蠻雨暗孤城身在楚山角煩

問劔南消息怕還成疎索

又

風露九霄寒侍宴玉華宮闕親向紫皇香案見

金芝千葉 碧壺僊露醞初成香味兩奇絕醉

後却騎丹鳳看蓬萊春色

又 大宇文 卷目錄

客路苦思歸愁似繭絲千緒夢裏鏡湖煙雨看

山無重數 尊前消盡少年狂慵著送春語花

落燕飛庭戶歎年光如許

又

歲晚喜東歸掃盡市朝陳迹揀得亂山環處釣

一潭澄碧 賣魚沽酒醉還醒心事付橫笛家

在萬重雲外有沙鷗相識

又

華表又千年誰記駕雲孤鶴回首舊曾遊處但

山川城郭 紛紛車馬滿人間塵土汗芒屨且

訪葛仙丹井看巖花開落

又

揮袖別人間飛躡峭崖蒼壁尋見古僊丹竈有

白雲成積 心如潭水靜無風一坐數千息夜

半忽驚奇事看鯨波噉日

又

溢口放船歸薄葺散花洲宿兩岸白蘋紅蓼映

一蓑新綠 有沽酒處便為家菱芡四時足明

日又乘風去住江南江北

又登梅仙山
絕頂望海

揮袖上西峰孤絕去天無尺拄杖下臨鯨海數

煙帆歷歷 貪看雲氣舞青鸞歸路已將夕多

謝半山松吹解慙慙留客

又

小倦帶餘醒澹澹數橋斜日驅退睡魔十萬有

雙龍蒼壁 少年莫笑老人衰風味似平簪扶

杖凍雲深處探溪梅消息

又

覓箇有緣人分付玉壺靈藥誰向市塵深處識

遶天孤鶴 月中吹笛下巴陵條華赴前約今

古廢興何限歎山川如昨

又

平旦出秦關雪色駕車雙鹿借問此行安往賞

清伊脩竹 漢家宮殿劫灰中春草幾回綠君

看變遷如許況紛紛榮辱

又

秋曉上蓮峯高躡倚天青壁誰與放翁為伴有

天壇輕策 鏗然忽變赤龍飛雷雨四山黑談

笑做成豐歲笑禪龕柳絮

又

混迹寄人間夜夜畫樓銀燭誰見五雲丹竈養

黃芽初熟 春風歸從紫皇遊東海宴賜谷進

罷碧桃花賦賜玉麈千斛

玉蝴蝶 王忠州家
席上作

倦客平生行處墜鞭京洛解佩瀟湘此夕何年

來賦宋玉高唐繡簾開香塵乍起蓮步穩銀燭

分行暗端相燕羞鶯如蝶擾蜂忙 難忘芳樽
頻勸峭寒新退玉漏猶長幾許幽情只愁歌罷
月侵廊欲歸時司空笑問微近處丞相眞狂斷
人腸假饒相送上馬何妨

鷓鴣天

杖屨尋春苦未遲洛城櫻筍正當時三千界外
歸初到五百年前事總知 吹玉笛渡清伊相
逢休問姓名誰小車處士漢衣叟曾是天津笑
賦詩

又

家住東吳近帝鄉平生豪舉少年場十千沽酒
青樓上百萬呼盧錦瑟傷 身易老恨難忘尊
前贏得是淒涼君歸爲報京華舊一事無成兩

鬢霜

又裁明
驛作

看盡巴山看蜀山子規江上過春殘慣眠古驛

常安枕熟聽陽關不慘顏 慵服氣懶燒丹不
妨青鬢戲人間祕傳一字神仙訣說與君知只
是頑

又

梳髮金盤剩一窩畫眉鸞鏡暈雙蛾人間何處
無春到只有伊家獨占多 微步處奈嬌何春
衫初換翹塵羅東鄰鬪草歸來晚忘却新傳子
夜歌

又

家住蒼煙落照間絲毫塵事不相關斟殘玉盞
行穿竹卷罷黃庭臥看山 貪嘯傲任衰殘不
妨隨處一開顏元知造物心腸別老却英雄似
等閒

又

插脚紅塵已是顛更求平地上青天新來有箇
生涯別買斷煙波不用錢 沽酒市採菱船醉

聽風雨擁蓑眠三山老子真堪笑見事遲來四十年

又

懶向青門學種瓜只將漁釣送年華雙雙新燕飛春岸片片輕鷗落晚沙歌縹緲船嘔啞酒如清露鮮如花逢人問道歸何處笑指船兒此是家

又 薛公肅家席上作

南浦舟中兩玉人誰知重見楚江濱憑教後苑紅身版引上西川綠錦茵纔淺笑却輕嚔淡黃楊柳又催春情知言語難傳恨不似琵琶道得真

鷺山溪 送伯禮

元戎十稜出次高唐館歸去舊鷓行更何人齊飛霄漢瞿唐水落惟是淚波深催疊鼓起身檣難鎖長江斷春溪整禁紅日宮甃暖何處望

香塵黯消魂層城飛觀人情見慣不敢恨相忘梅驛外蓼灘邊只待除書看

又 送三榮龍洞

窮山孤壘臘盡春初破寂寞掩空齋好一箇無聊底我嘯臺龍岫隨分有雲山臨淺瀨蔭長松閒據胡牀坐三杯徑醉不覺紗巾墮畫角喚人歸落梅村籃輿夜過城門漸近幾點妓衣紅官驛外酒壚前也有間燈火

玉樓春 立春日作

三年流落巴山道破盡青山塵滿帽身如西漢渡頭雲愁抵瞿唐關上草春盤春酒年年好試戴銀幡判醉倒今朝一歲大家添不是人間偏我老

朝中措 梅

幽姿不入少年場無語只凄凉一箇飄零身世十分冷淡心腸江頭月底新詩舊夢孤恨清

香任是春風不管也會先識東皇

又代譚德稱作

怕歌愁舞懶逢迎粧晚託春醒總是向人深處

當時枉道無情 關心近日啼紅密訴剪綠深

盟杏館花陰恨淺畫堂銀燭嫌暈

又

鑿鑿儼鼓饑流年燭焰動金船綠燕難尋前夢

酥花空點春妍 文園謝病蘭城久旅回首妻

然暈月梅山笛夜和風禹廟鶯天

臨江僊離果州作

鳩雨催成新綠燕泥收盡殘紅春光還與美人

同論心空眷眷分袂却匆匆 只道真情易寫

那知怨句難工水流雲散各西東半廊花院月

一帽柳橋風

蝶戀花離小

陌上簫聲寒食近雨過園林花氣浮芳潤千里

斜陽鐘欲暝憑高望斷南樓信 海角天涯行

略盡三十年間無處無遺恨天若有情終欲問

恐教霜點相思鬢

又

桐葉展飄蚤夜語旅思秋光黯黯長安路忽記

橫戈盤馬處散關清渭應如故 江海輕舟今

已具一卷兵書歎息無人付早信此生終不遇

當年悔草長楊賦

又

水漾萍根風卷絮倩笑嬌懶忍記逢迎處只有

夢魂能再過堪嗟夢不由人做 夢若由人何

處去短帽輕衫夜夜看州路不怕銀缸深繡戶

只愁風斷青衣渡

又

禹廟蘭亭今古路一夜清霜染盡湖邊樹鸚鵡

杯深君莫訴他時相遇知何處 冉冉年華鬢

不住鏡裏朱顏畢竟消磨去一句丁寧君記取
神僊須是閒人做

釵頭鳳

紅酥手黃騰酒滿城春色宮牆柳東風惡歡情
薄一懷愁緒幾年離索錯錯錯春如舊人空
瘦淚痕紅氾蛟綃透桃花落閒池閣山盟雖在
錦書難託莫莫莫

清商怨

茂明
驛作

江頭日暮痛飲乍雪晴猶凜山驛淒涼燈昏人
獨寢 鴛機新寄斷錦歎往事不堪重省夢破
南樓綠雲堆一枕

水龍吟

榮南
作

樽前花底尋春處堪歎心情全減一身萍寄酒
徒雲散佳人天遠那更今年瘴煙蠻雨夜郎江
畔漫倚樓橫笛臨牕看鏡時揮涕驚流轉花
落月明庭院悄無言魂消腸斷憑肩攜手當時

曾效畫梁栖燕見說新來網縈塵暗舞衫歌扇
料也羞憔悴慵行芳徑怕啼鴛見

又

集中
逸

摩訶池上追遊客紅綠參差春晚韶光妍媚海
棠如醉桃花欲暖挑菜初開禁煙將近一城絲
管看金鞍爭道香車飛蓋爭先占新亭館 惆
悵年華暗換黯銷魂雨收雲散鏡奩掩月釵梁
折鳳秦箏斜雁身在天涯亂山孤壘危樓飛觀
歎春來只有楊花和恨向東風滿

秋波媚

七月十六日晚發高
興亭望長安南山

秋到邊城角聲哀烽火照高臺悲歌擊筑憑高
酌酒此興悠哉 多情誰似南山月特地算雲
開灞橋煙柳曲江池館應待人來

又

曾散天花蕊珠宮一念墮塵中鉛華洗盡珠璣
不御道骨僊風 東遊我醉騎鯨去君駕素鸞

從垂虹看月天台采藥更與誰同

采桑子

寶釵樓上粧梳晚
懶上鞦韆閒撥沈
煙金縷衣寬
睡髻偏鱗鴻不寄
遼東信又是經年
彈淚花前愁入春風
十四絃

卜算子

詠梅

驛外斷橋邊寂寞開
無主已是黃昏獨自
愁更著風和雨無意
苦爭春一任羣芳如
零落成泥碾作塵只
有香如故

沁園春

三菜梅翁
關小宴

粉破梅梢綠動萱叢
春意已深漸珠簾低
卷箝枝微步水開躍
鯉林暖鳴禽荔子扶
疎竹枝哀怨濁酒一
尊和淚斟憑欄久歎
山川冉冉歲月駸駸
當時豈料如今漫一
事無成霜鬢侵看
故人強半沙堤黃閣
魚懸帶玉貂映蟬金
許國雖堅朝天無路
萬里淒涼誰寄音東
風裏有滿

橋煙柳知我歸心

又

一別秦樓轉眼新春
又近放燈憶盈盈倩
笑纖纖柔握玉香花
語雪暖酥凝念遠愁
腸傷春病思自怪平
生殊未曾君知否漸
香消蜀錦淚漬吳綾
難求繫日長繩况倦
客飄零少舊朋但江
郊雁起漁村笛怨寒
缸委燼孤硯生水水
繞山園煙昏雲慘縱
有高臺常怯登消魂
處是魚

又

孤鶴歸飛再過遼天
換盡舊人念纍繫枯
冢茫茫夢境王侯螻
蟻畢竟成塵載酒園
林尋花巷陌當日何
曾輕負春流年改歎
圍腰帶剩點鬢霜新
交親散落如雲又豈
料如今餘此身幸眼
明身健茶甘飯軟非
惟我老更有人貧躲
盡危機消殘壯志短
艇湖中間采尊吾何
恨有漁

翁共醉谿友為鄰

秦樓月

玉花聽晚街金響聲瓏聲瓏聲開欵烏帽又

過城東 富春巷陌花重重千金沽酒酬春風

酬春風笙歌圍裏錦繡叢中

漢宮春

張園賞海棠作圖故蜀燕王宮也

浪迹人間喜聞猿楚峽學紉秦川虛舟汎然不

繫萬里江天朱顏綠鬢伴紅塵無事神僊何妨

在鶯花海裏行歌閒送流年 休笑放慵狂眼

看閒坊深院多少嬋娟燕宮海棠夜宴花覆金

船如椽畫燭酒闌時百炬吹煙憑寄語京華舊

侶幅巾莫換貂蟬

又

初自南鄭來成都作

羽箭離弓憶呼鷹古壘截虎平川吹笳算歸野

帳雪壓青氈淋漓醉墨看龍蛇飛落蠻牋人誤

許詩情將略一時才氣超然 何事又作南來

看重陽藥市元夕燈山花時萬人樂處欵帽坐

鞭聞歌感舊尚時時流涕尊前君記取封侯事

在功名不信由天

月上海棠

成都城南有蜀王舊苑多倚宮二百餘年古木

斜陽廢苑朱門閉吊興亡遺恨淚痕裏淡淡宮

梅也依然點酥剪水凝愁處似憶宣華舊事

行人別有凄凉意折幽香誰與寄千里佇立江

臯杳難逢隴頭歸騎音塵遠楚天危樓獨倚宣華苑名

故蜀

又

蘭房繡戶厭厭病歎春醒和悶甚時醒燕子空

歸幾曾傳玉關邊信傷心處獨展團窠瑞錦

熏籠消歇沈煙冷淚痕深展轉看花影漫擁餘

香怎禁他峭寒孤枕西牕曉幾聲銀瓶玉井

烏夜啼

金鴨餘香尚暖綠牕斜日偏明蘭膏香染雲鬢

膩釵墜滑無聲 冷落鞦韆伴侶闌珊打馬心
情繡屏驚斷瀟湘夢花外一聲鶯

又

簷角楠陰轉日樓前荔子吹花鷓鴣聲裏霜天
晚疊鼓已催衙 鄉夢時來枕上京書不到天
涯邦人訟少文移省開院自煎茶

又

我按丹臺玉字君書藥殿雲篇錦官城裏重相
遇心事兩依然 攜酒何方處處尋梅共約年
年細思上界多官府且作地行僊

又

世事從來慣見吾生更欲何之鏡湖西畔秋千
頃鷗鷺共忘機 一枕蘋風午醉二升菰米晨
炊故人莫訝音書絕釣侶是新知

又

素意幽棲物外塵緣浪走天涯歸來猶幸身強

健隨分作山家 已趁餘寒泥酒還乘小雨移
花柴門盡日無人到一徑傷谿斜

又

園館青林翠樾衣巾細葛輕紈好風吹散霏微
雨沙路喜新乾 小燕雙飛水際流鶯百轉林
端投壺聲斷彈碁罷閒展道書看

又

從宦元知漫浪還家更覺清真蘭亭道上多脩
竹隨處岸綸巾 泉冽偏宜雪茗杭香雅稱絲
尊脩然一飽西牕下天地有閒人

又

紈扇嬋娟素月紗巾縹緲輕煙高槐葉長陰初
合清潤雨餘天 弄筆斜行小草鈞簾淺醉閒
眠更無一點塵埃到枕上聽新蟬

真珠簾

山村水館參差路感羈遊正似殘春風絮掠地

穿簾知是竟歸何處鏡裏新霜空自憫問幾時

又 乙巳二月
西典贈別

鸞臺鼈署遲算謾憑高懷遠書空獨語 自古

十載江湖行歌沽酒不到京華底事翩然長亭

儒冠多誤悔當年早不扁舟歸去醉下白蘋洲

煙草衰鬢風沙 憑高目斷天涯細雨外樓臺

看夕陽鷗鷺菰菜鱸魚都棄了只換得青衫塵

萬家只恐明朝一時不見人共梅花

土休顧早收身江上一蓑煙雨

夜遊宮 記夢寄
師伯暉

又

燈前月下嬉遊處向笙歌錦繡叢中相遇彼此

雪曉清笳亂起夢遊處不知何地鐵騎無聲望

知名纔見便論心素淺黛嬌蟬風調別最動人

似水想關河雁門西青海際 睡覺寒燈裏漏

時時偷顧歸去想問應溪院調絃促柱 樂府

殘心未灰

初讎新譜漫裁紅點翠閒題金縷燕子入簾時

又宮

又一番春算側帽燕脂坡下過料也計前年崔

獨夜寒侵翠被奈幽夢不成還起欲寫新愁淚

護休訴待從今須與好花為主

濺紙憶承恩歎餘生今至此 荻蕪燈花墜問

柳梢青 故蜀燕王宮海棠之盛
為成都第一今屬張氏

此際報人何事咫尺長門過萬里恨君心似危

錦里繁華環宮故即疊葦奇花俊客妖姬爭飛

欄難久倚

金勒齊駐香車 何須幙障幃遮寶杯浸紅雲

安公子

瑞霞銀燭光中清歌聲裏休恨天涯

風雨初經社子規聲裏春光謝最是無情零落

盡薔薇一架况我今年憔悴幽牕下人盡怪詩
酒消聲價向藥爐經卷忘却鶯牕柳榭 萬事
收心也粉痕猶在香羅帕恨月愁花爭信道如
今都罷空憶前身便面章臺馬因自來禁得心
腸怕縱遇歌逢酒但說京都舊話

木蘭花慢

夜登青城山玉華樓

聞邯鄲夢境歎綠鬢早霜侵奈華嶽燒丹青谿
看鶴尚負初心年來向濁世裏悟真詮秘訣絕
幽深養就金芝九畹種成琪樹千林 星壇夜
學步虛吟露冷透璫簪對翠鳳披雲青鸞翹月
宮闕蕭森琅函一封奏罷自鈞天帝所有知音
却遇蓬壺嘯傲世間歲月駸駸

蘇武慢

唐西女湖

澹靄空濛輕陰清潤綺陌細塵初靜平橋繫馬
畫閣移舟湖水倒空如鏡掠岸飛花俯簷新燕
都是學人無定歎連年戎帳經春邊壘暗凋顏

鬢 空記憶杜曲池臺新豐歌管怎得故人音

信驕懷易感老伴無多談塵久開犀柄惟有脩

然筆牀茶竈自適筍與煙艇待綠荷遮岸紅蕖

浮水更琴幽興

齊天樂

左縉道中

角殘鐘晚關山路行人乍依孤店寥月征塵鞭
絲帽影常把流年虛占藏鴉柳暗歎輕負鶯花
謾勞書劔事往關情悄然頻動壯遊念 孤懷
誰與強遣市壚沽酒酒薄怎當愁醞倚瑟妍詞
調鉛妙筆那寫柔情芳艷征途自厭况煙歛蕪
痕雨稀萍點最是眠時枕塞門半掩

又

三峽人日作

客中隨處閒消悶來尋嘯臺龍岫路歛春泥山
閣翠霧行樂年年依舊天工妙手放輕綠萱芽
淡黃楊柳笑問東君為人能染鬢絲否 西州
催去近也帽簷風軟且看市樓沽酒宛轉巴歌

淒涼塞管攜客何妨頻奏征塵暗袖漫禁得梅花伴人疎瘦幾日東歸畫船平放溜

望梅

壽非金石恨天教老向水程山驛似夢裏來到南柯這些子光陰更堪輕擲戍火邊城又過了
一年春色歎名姬駿馬盡付杜陵苑路豪客
長繩漫勞繫日看人間俯仰俱是陳迹縱自倚
英氣凌雲奈回盡鵬程鐵鷲翻終日憑高誚
不見江東消息算沙邊也有斷鴻倩誰問得

洞庭春色

壯歲文章算年勳業自管誤人算英雄成敗軒
囊得失難如人意空喪天真請看邯鄲當日夢
待炊罷黃梁徐欠伸方知道許多時富貴何處
關身 人間定無可意怎換得玉鱸絲蓴且釣

竿漁艇筆牀茶竈閒聽荷雨一洗衣塵洛水情
關千古後尚棘暗銅駝空愴神何須更慕封侯

定遠圖像麒麟

漁家傲 奇仲高

東望山陰何處是往來一萬三千里寫得家書
空滿紙流清淚書回已是明年事 寄語紅橋
橋下水扁舟何日尋兄弟行徧天涯真老矣愁
無寐鬢絲幾縷茶煙裏

繡停針

歎半紀跨萬里秦吳頓覺衰謝回首鷓行英俊
竝遊咫尺玉堂金馬氣凌嵩華負壯略縱橫王
霸夢經洛浦梁園覺來淚流如瀉 山林定去
也却自恐說著少年時話靜院焚香閒倚素屏
今古總成虛假趁時婚嫁幸自有湖邊茅舍燕
歸應笑客中又還過社

桃園憶故人 并序

三榮郡治之西因子城作樓觀曰高齋
下臨山村蕭然如世外予畱七十日被

命參成都戎幕而去臨行徙倚竟日作

桃園憶故人

斜陽寂歷柴門閉一點炊煙時起雞犬往來林
外俱有蕭然意 衰翁老去疎榮利絕愛山城
無事臨去畫樓頻倚何日重來此

又 應奎
道中

欄干幾曲高齋路正在重雲深處丹碧未乾人
去高棟空留句 離離芳草長亭暮無奈征車
不住惟有斷鴻煙渚知我頻回顧

又

一彈指頃浮生過墮甌元知當破去去醉吟高
臥獨唱何須和 殘年還我從來我萬里江湖
煙舸脫盡利名韁鎖世界元來大

又

城南載酒行歌路冶葉倡條無數一朶輕紅疑
露最是關心處 鶯聲無賴催春去那更兼句

風雨試問歲華何許芳草連天暮

又

中原當日山川震闕輔回頭煨燼淚盡兩河征
鎮日望中興運 秋風霜滿青青鬢老却新豐
英俊雲外華山千仞依舊無人問

極相思

江頭疎雨輕煙寒食落花天灑紅墜素殘霞暗
錦一段凄然 惆悵東君堪恨處也不念冷落
樽前那堪更看漫空相趁柳絮絮榆錢

一叢花

樽前凝佇漫魂迷猶恨負幽期從來不慣傷春
淚爲伊後滴滿羅衣那堪更是吹簫池館青子
綠陰時 回廊簾影畫參差偏共睡相宜朝雲
夢斷知何處倩雙燕說與相思從今判了十分

又

憔悴圖要箇人知

又

僂姝天上自無雙玉面翠蛾長黃庭讀罷心如

緜嶺

水閉朱戶愁近絲簧應剛几淨閒臨唐帖溪柱

昭君怨

寶奩香 人間無藥駐流光風雨又催涼相逢

畫永蟬聲庭院人倦懶搖團扇小景寫瀟湘自

共話清都舊歎塵劫生歎茫茫何如伴我綠蓑

生涼 簾外蹴花雙燕簾下有人同見寶篆拆

青籜秋晚釣瀟湘

宮黃炷熏香

隔浦蓮近拍

雙頭蓮

呈范至能待副

飛花如趁燕子直度簾櫳裏帳掩香雲暖金籠

華鬢星星鶯壯志成虛此身如寄蕭條病驥向

鸚鵡驚起疑恨慵梳洗粧臺畔蘸粉纖纖指寶

暗裏消盡當年豪氣夢斷故國山川隔重重煙

釵墜 才醒又困厭厭中酒滋味牆頭柳暗過

水身萬里舊社凋零青門俊遊誰記 盡道錦

盡一年春事晷畫高樓怕獨倚千里孤舟何處

里繁華歎官閒晝永柴荆添睡清愁自醉念此

煙水

際付與何人心事縱有楚柁吳檣知何時東逝

又

空悵望鱸美菰香秋風又起

騎鯨雲路倒景醉面風吹醒笑把浮丘袂寒然

又

非復塵境震澤秋萬頃煙霏散水面飛金鏡露

風卷征塵堪歎處青曉正搖金轡客襟貯淚漫

華冷 湘妃睡起鬢傾釵墜慵整臨江舞處零

萬點如血憑誰持寄佇想艷態幽情縈江南佳

亂塞鴻清影河漢橫斜夜漏永人靜吹簫同過

麗春正媚怎忍長亭匆匆頓分連理 目斷淡

日平蕪煙濃樹遠微茫如薺悲歡夢裏奈倦
客又是關河千里最苦唱做驪歌重遲留無計
何限事待與丁寧行時已醉

南歌子送周檢宜之益昌

異縣相逢晚中年作別難算秋風雨客衣寒又
向朝天門外話悲歡瘦馬行霜棧輕舟下雪
灘烏奴山下一林丹爲說三年常寄夢魂間

憶王孫

春風樓上柳腰肢初試花前金縷衣嫋嫋娉娉
不自持曉粧遲畫得蛾眉勝舊時

又

一春常是雨和風風雨晴時春已空誰惜泥沙
萬點紅恨難窮恰似衰翁一世中

醉落魄

江湖醉客投杯起舞遺鳥憤三更冷翠霑衣溼
嫋嫋菱歌吹落半川月空花昨夢休尋覓雲

臺麟閣俱陳迹元來只有閒難得青史功名天
却無心惜

鵲橋仙

華燈縱博離鞍駢射誰記當年豪舉酒徒一半
取封侯獨去作江邊漁父輕舟八尺低蓬三
扇占斷蘋洲煙雨鏡湖元自屬閒人又何必官
家賜與

又

一竿風月一蓑煙兩家在釣臺西住賣魚生怕
近城門况肯到紅塵深處潮生理權潮平繫
纜潮落浩歌歸去時人錯把比巖光我自是無
名漁父

又夜聞杜鵑

茅簷人靜蓬牕燈暗春晚連江風雨林鶯巢燕
總無聲但月夜常啼杜宇催成清淚驚殘孤
夢又揀溪枝飛去故山猶自不堪聽况半世飄

然羈旅

長相思

雲千重水千重身在千重雲水中月明收釣筒
頭未童耳未聾得酒猶能雙臉紅一尊誰與

同

又

橋如虹水如空一葉飄然煙雨中天教稱放翁
側船篷使江風蟹舍參差漁市東到時聞暮

鐘

又

面蒼然鬢皓然滿腹詩書不值錢官閒常晝眠
畫凌煙上甘泉自古功名屬少年知心惟杜

鵲

又

算山青算霞明夢筆橋頭艇子橫蘋風吹酒醒
看潮生看潮平小住西陵莫較程蓴絲初可

烹

又

悟浮生厭浮名回視千鍾一髮輕從今心太平
愛松聲愛泉聲寫向孤桐誰解聽空江秋月

明

菩薩蠻

江天淡碧雲如掃蘋花零落蓴絲老細細晚波
平月從波面生 漁家真箇好悔不歸來早經

歲洛陽城鬢絲添幾莖

又

小院蠶眠春欲老新巢燕乳花如掃幽夢錦城
西海棠如舊時 當年真草草一權還吳早題

罷憎春詩鏡中添鬢絲

訴衷情

當年萬里覓封侯匹馬戍梁州關河夢斷何處
塵暗舊貂裘 胡未滅鬢先秋淚空流此生誰

料心在天山身老滄洲

又

青衫初入九重城結友盡豪英蠟封夜半傳檄

馳騎論幽并時易失志難成鬢絲生平章風

月彈壓江山別是功名

生查子

還山荷主恩聊試扶犁手新結小茅茨恰占清

江口風塵不化衣鄰曲常持酒那似宦遊時

折盡長亭柳

又

梁空燕委巢院靜鳩催雨香潤上朝衣客少閒

談麈鬢邊千縷絲不是吳蠶吐孤夢泛瀟湘

月落聞柔櫓

破陣子

仕至千鍾良易年過七十常稀眼底榮華元是

夢身後聲名不自知營營端爲誰幸有旗亭

沽酒何妨蘭紙題詩幽谷雲蘿朝採藥靜院軒
牕夕對碁不歸真箇癡

又

看破空花塵世放輕昨夢浮名蠟屐登山真率

飲筇杖穿林自在行身閒心太平料峭餘寒

猶力廉纖細雨初晴苔紙間題谿上句菱唱遠

聞煙外聲與君同醉醒

上西樓

江頭綠暗紅稀燕交飛忽到當年行處恨依依

灑清淚歎人事與心違滿酌玉壺花露送春

歸

點絳脣

采藥歸來獨尋茆店沽新釀算烟千嶂處處聞

漁唱醉弄扁舟不怕黏天浪江湖上這回疎

放作箇閒人樣

謝池春

壯歲從戎曾是氣吞殘虜陣雲高狼煙夜舉朱
顏青鬢擁雕戈西成笑儒冠自來多誤功名
夢斷却泛扁舟吳楚漫悲歌傷懷弔古煙波無
際望秦關何處歎流年又成虛度

又

賀鑑湖邊初繫放翁歸櫂小園林時時醉倒春
眠驚起聽啼鶯催曉歎功名誤人堪笑 未橋
翠徑不許京塵飛到掛朝衣東歸欠早連宵風
雨捲殘紅如掃恨樽前送春人老

又

七十衰翁不減少年豪氣似天山淒涼病驥銅
駝荆棘灑臨風清淚甚情懷伴人兒戲 如今
何幸作箇故谿歸計鶴飛來晴嵐暎翠玉壺春
酒約羣僊同醉洞天寒露桃開未

洛陽春

滿路遊絲飛絮韶光將暮此時誰與說新愁有

百轉流鶯語 俯仰人間今古神僊何處花前
須判醉扶歸酒不到劉伶墓

又

識破浮生虛妄從人譏謗此身恰似弄潮兒曾
過了千重浪 且喜歸來無恙一壺春釀雨蓑
煙笠傷漁磯應不是封侯相

杏花天

老來駒隙駉駉度算只合狂歌醉舞金杯到手
君休訴看著春光又暮 誰爲情柳條繫住且
莫遣城笳催去殘紅轉眼無尋處盡屬蜂房燕
戶

太平時

竹裏房櫳一徑溪靜愔愔亂紅飛盡綠成陰有
鳴禽 臨罷蘭亭無一事自修琴銅爐裊裊海
南沈洗塵襟

戀繡衾

不憎貂裘換釣篷嗟時人誰識放翁歸權僭樵
風穩數聲聞林外草鐘幽棲莫笑蝸廬小有
雲山煙水萬重半世向丹青看喜如今身在畫
中

又

無方能駐臉上紅笑浮生擾擾夢中平地是冲
霄路又何勞千日用功飄然再過蓮峰下亂
雲深吹下暮鐘訪舊隱依然在但鶴樂時有墮
松

風入松

十年裘馬錦江濱酒隱紅塵萬金選勝鶯花海
倚疎狂驅使青春吹笛魚龍盡出題詩風月俱
新自憐華髮滿紗巾猶是官身鳳樓常記當
年語問浮名何似身親欲寄吳牋說與這回真
箇閒人

風流子

佳人多命薄初心慕德耀嫁梁鴻記綠牕睡起
靜吟閒詠句醜離合格變玲瓏更棄典素紈
戲墨纖玉撫孤桐蟾滴夜寒水浮微凍鳳牋春
麗花研輕紅人生誰能料堪悲處身落柳陌
花叢空羨畫堂鸚鵡深閉金籠向寶鏡鸞釵
粧常晚繡茵身版催舞還慵腸斷市橋月笛燈
院霜鐘

余家劉放翁全集已載長短句二卷而逸

一二詞章次之錯見同載訂入名家揚州修

云纖麗雲似瀛海雄慨處似東坡予謂越

夷處更似稼軒耳方虛毛音記

放翁詞終

